

奉新縣志卷二

學校志

學宮

書院

試院

庠序明倫典垂四代郡縣立學制昉初唐凡以尊重先師烝養髦士非徒崇飾宮牆也

國朝振興儒教廣厲學宮

頌匾額以煥文章定樂舞以彰聲振褒崇之儀度越千古矣奉邑地毓秀靈代多賢俊學自咸平而肇建基至淳祐而五遷樓聳青雲門臨馮水科名鼎盛厥有由來邇更涵泳

聖涯絜新廟貌復置產以資修葺捐田以贍試生學校之間蔚然稱美至書院社學育秀所資試院考棚掄才有地悉



為類記用誌弗諼為學校篇云

學宮

宋咸平元年知縣徐用和始建學宮於縣南馮水之上景

德四年邑人胡仲容捐建大成殿塑宣聖四配像繪十哲

於壁胡旦儒學記漢魏以來奉祀孔子惟曲阜闕里至唐

於典章我宋因之奉新隸豫章在楊吳李唐時學校淪廢

久矣宋興以來官無橫斂人無異趨大江以南豫章之境

風俗純厚士人儒雅家崇孝弟戶習詩書絃歌之教講誦

之聲無時有息猗歟盛哉宗人光祿寺丞胡公仲容奉新

人也南昌望族德業靈昌皇帝雍熙勅旌孝義若弟若子

文章策名亡長亡幼禮讓崇訓鄉縣漬於皇澤家門謁於

素風近古以來所未有也惟公身表人倫志在禮樂迺捐

貲若干金粟若干石訪求孔廟遺址鼎建更新創祠三十

間塑像自宜尼十哲以下七十餘座又建生徒講舍一百

餘號堂寢膳具豆邊簋簠鮮不備舉二仲釋菜遵訪成規

刊為令典令佐行禮如儀於是新吳之墟人文為盛談經

肄業敦儒信道彬彬然矣嗚呼先聖以天縱之資膺作之

性誕興文教卓為世程廣厚同乎天地照臨齊於日月浸

潤列于江海此所謂聖人之道大哉昔人稱之仁功邁於

堯舜性理接於義皇享配比於禹稷誠哉是言也况伏羲

之馬牛神農之穀藥黃帝之軒冕孔子之詩書又皆民生

日用之常大道至德之要一日不可闕焉者也三王五帝

廟有定處祀有常時孔子之廟在先朝且詔州縣並建與
社稷同獨令文物之邦治平之世此為缺典烏乎可哉我
宗人之是舉也厥志偉矣某日月會邑侯劉君率師生折
幣徵文屬余記之且以表寺丞崇儒之心一邑風化之本
庶後之興起於斯文者皆知水木之所自也余誼不容辭
因得寶元元年知縣王鞏造講堂精舍元豐六年知縣李
平遷於南津橋西崇寧二年司戶參軍權邑事李大有遷
於直菴院東五年知縣吳均明復遷南津橋故址建炎燬
於兵淳祐八年知縣趙掘夫以學基低窪因惠安寺火遂

以學基易其地改建今所時邑人王允升周守約割隣地
 以增其址宋末燬元至元十三年監縣昔刺不花知縣謝
 季玉重建大成殿築齋舍至正壬辰復燬於兵明洪武初
 知縣方淵即舊地創大成殿宣德九年知縣璩鎮海重修
 大成殿明倫堂堂東西建二齋東額曰進德西額曰修業
 景泰二年知縣劉讓闢齋後曠地增創五楹以廣號舍天
 順二年知縣田濟繼修成化六年知縣謝峻重葺學宮增
 塑十哲先賢像謝一夔記又建文昌祠於明倫堂之左
 夔重建明倫堂記古昔先王盛時國有學黨有庠衛有序
 家有塾是上自王畿下自閭巷莫不有學人生八歲則入
 小學十五則入大學是自幼至壯未嘗不在於學而學焉
 者小而灑掃應對之節大而修齊治平之術微而道德性

命之懿顯而禮樂法制之詳靡不有以究極其精微而躬
 行之不怠故德日以修業日以廣處也有士君子之行出
 也隨所任大小而各能著其效不幸而遭時多艱則思食
 其祿死其事而忠節之氣凜然與秋霜烈日爭光者學校
 之政修而教之有其素故也降自後世教化凌夷而凡志
 於學者多記誦詞章之習以第進取而於修己治人之道
 懵乎其無所聞知甚至剽竊腐爛之文以為拾青取紫之
 計若而人也進不能有益於人家國退不過為碌碌之庸
 人即間有豪傑其人亦累數百年而僅一二見焉烏能
 如古者藹藹焉濟濟焉之盛哉惟我高皇統御之初即詔
 內而畿甸外而郡邑皆立學校以育人材雖遐荒絕域靡
 不有之蓋欲復先王之制而其人才之盛亦與之並駕齊
 驅而無不及也猗歟休哉奉新儒學在治西南不半里許
 學故有明倫堂乃前合璩鎮海所建歲久傾廢屬者郡判
 虞君行邑見而慨焉謀撤新之知縣謝侯焯曰是乃某之
 責也請任其事於是教諭林淳訓導鄭和願望各捐俸以
 為倡而邑之富而尚義者咸願出貲以助遂開拓舊址遣
 人詣湖湘求大木卜日就事作明倫堂三間高二丈五尺
 深四十七尺廣八十八尺堂東西復建兩齋凡十間翬翼
 奕軼乎舊觀他如饌射庖福之所師生燕息之居亦靡不

學校 學宮

三

修飾完美經始於成化己丑秋七月吉日迄工於是年十月望日於時規畫制度則有典史李慶董工則有耆民徐應剛廖大耕云堂既成僉謂不可無記乃具事顛末求予文刻諸石用垂不朽余謂爲政以人才爲先而學校實養育人才之地今奉新之學校修矣士之曳藍皂於斯者當何如其用心哉亦惟讀書明理以豪傑自期待而求至於古昔三代盛時之人才庶幾不紊所生而於朝廷建學育才之盛心亦可以無負矣若乃溺於流俗而以取富貴爲事則不獨二三子之羞而亦足爲國家之憂矣李盱江之垂訓具在諸士子可不慎而勉諸謝侯浙之臨海人用明經薦授司訓擢今職在任他政事皆勤而尤惓惓用心學校故大成殿兩廡戟門櫺星門皆先後次第修剏而是役乃其最

後云 正德十六年教諭陳嘉猷訓導葉澤陸任忠以殿廡戟門齋舍俱圯請於督學邵銳檄知府吳嘉聰知縣梁幹暨師生各捐俸貲助建又建名宦祠於戟門之左建鄉賢祠於戟門之右嘉靖元年知縣朱雲鳳嗣修大成殿

兩廡增創櫺星門規制始備十年奉詔撤塑像易木主更封號曰先師隆慶二年文廟歲久復圯知縣陳雋請以真常觀竹林寺入官廢產變價重修從之令義民劉興鎬陳身九督理殿堂齋廡煥然一新又葺名宦鄉賢祠尋復圯萬曆十一年知縣朱南英新築磚城移對學門路十四年因水滄圯知縣沈天啟馮燧丁周復先後修葺規制闕敞二十四年邑耆民廖興幹重修儒學前城增建城樓知縣馮燧記三十二年知縣邢祚昌建青雲樓於儒學門之左後燬

國朝順治九年

命禮部頒立臥碑於天下學宮碑曰

朝廷建立學校選取生員免其丁糧厚以廩膳設學院學宮以教之各衙門官以禮相待全要養成賢才以供

朝廷之用諸生皆當上報

國恩下立人品所有教條開列于後

一生員之家父母賢智者子當受教父母愚魯或有非爲者子旣讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者徃徃自殺其身常宜思省

一生員不可干求官長交結勢要希圖進身若果心德純全上天知之必加以福

一生員當愛身忍性凡有司官衙門不可輕入卽有切己之事止許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師長者亦當盡心教訓勿致怠惰一軍民一切利病不許生員上書陳言如有一言建白以

違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

順治十四年大成殿歲久傾塌知縣萬物自偕訓導程良佐舉人閔鉞倡修十八年知縣黃虞再捐創兩廡立戟門并葺大成殿加丹雘復卽舊地重建名宦鄉賢祠教諭梅

遇捐助康熙三年改建青雲樓於儒學門前

黃虞再重建學宮記據志

學宮歷代累遷明始永於此地三百年來其固雖修葺者屢屢而風雨漂搖卒何能其勿壞然事關教養根本實維守土之責予何敢諉焉乃謀諸教諭梅君而舉之其闕略而重新者則大成殿啟聖祠是其毀敗而鼎建者則兩廡及名宦鄉賢二祠是如戟門則因其舊而高大焉如省牲所則補其缺而特創焉若青雲樓則卽其地而新建一如

初制焉苟完矣薄以塞吾責焉爾敢云丹雘棟梁哉 康熙二十三年

御書萬世師表匾額頒行懸掛二十五年二十八年

御製先師暨四配贊先後頒行

全文備見通志

康熙四十二年頒

御製訓飭士子文曰

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務令風教修明賢才蔚起庶幾棫樸作人之意乃比年來士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學者先立品行次及文學學術事功原委有叙爾諸生幼聞庭

訓長列宮墻居恒誦讀寧無講究必也躬修實踐砥礪廉隅敦
 孝順以事親秉忠貞以立志窮經考業勿雜荒誕之談取友親
 師悉化憍盈之氣文章歸於醇雅毋事浮華軌度式於規繩最
 防蕩佚子矜佻達自昔所譏苟行止有虧雖讀書何益若夫宅
 心弗淑行已多愆或蜚語流言脅制官長或抗糧包訟出入公
 門或唆撥姦猾欺孤凌弱或招呼朋類結社邀盟乃如之人名
 教不容鄉黨弗齒縱倖脫襁扑濫竊章縫返之於衷能無愧乎
 况乎鄉會科名乃掄才大典關係尤鉅士子果有真才實學何
 患困不逢年顧乃標榜虛名暗通聲氣夤緣詭遇罔顧身家又
 或改竄鄉貫希圖進取驀凌騰沸網利營私種種弊端深可痛

恨且夫士子出身之始尤貴以正若茲厥初拜獻便已作姦犯
 科則異時敗檢踰閑何所不至又安望其秉公持正為國家宣
 猷樹績膺先後疏附之選哉朕用嘉惠爾等故不禁反復惓惓
 茲訓言頒到爾等務共體朕心恪遵明訓一切痛加改省爭自
 濯磨積行勤學以圖上進國家三年登造束帛弓旌不特爾身
 有榮即爾祖父亦增光寵矣逢時得志寧俟他求哉若仍視為
 具文玩愒弗做毀方躍冶暴棄自甘則是爾等冥頑無知終不
 能率教也既負栽培復干咎戾王章具在朕亦不能為爾等寬
 矣自茲以往內而國學外而直省鄉校凡學臣師長皆有司鐸
 之責者並宜傳集諸生多方董勸以副朕懷否則職業弗修咎

亦難道勿謂朕言之不預也爾多士尚其敬聽之哉雍正四年御書生民未有匾額頒行懸掛五年諱孔子名加卞為邱是年知

縣王藩奉文建忠義祠於學宮左建節孝祠於學宮右十

二年邑生員陳坦捐塲大成殿置香案增修明倫堂又於

殿左改建魁樓殿左故有文昌閣康熙二十三年自東關

外移建於此歲久剥落坦承父遺命改建兩翼累甃為崇

垣樓上下設門格以達前後藻繪偉麗輝映宮墻下塑文

昌朱衣上塑魁星像易今名趙知希重修學宮碑記余來

年今歲七月邑庠生陳子坦起而肩其事請於余曰

聖天子崇文養士所在學宮多見修葺而吾邑涵濡

聖化人才日起顧獨任其廢不修乎且坦之先人有命矣先人之言曰學宮首大成殿

至聖靈爽所式憑也工之興廢於前者吾不知已耳擊壤

何以堪殿北為明倫堂於康熙四十六年署篆蔣公略為

修砌殿左為魁星樓亦於是年蔣公所改作者其材料取

具於城東門外文昌之廢閣是兩者又皆根未備易朽壞

余迫於遲暮不及待小子勉之然則吾先人之懇切於後

人者蓋何如也時為康熙六十一年顧蹉跎沿至雍正八

年以修葺大成殿重煩我廬陵李學師已大非先人意閱

今又五年矣倫堂魁閣日損一日敢不黽勉從茲役乎因

感既泣下余愈復義之陳子徐道經營之方若者繼若者

舉條理井井夫非其重親命而籌之心者有素耶未幾工

成子往觀之凡所為椽題楹角塗茨垣墉幾幾乎一如

前之云云者而於大成殿更有以成李君之美而補其所

不足計自始事以來僅四五月耳何落成之速而勇於有

為若是余因知陳子先人諱言敷字以秦號容齋以明經

領康熙癸巳歲薦力學積行整躬濟物尤篤天性事其兄

果亭雖暮年盡弟道唯謹而果亭亦復友于備至果亭諱

言吉中康熙壬午解額第一邑人稱二難焉君子之觀人

也觀於其大父子至愛一朝承訣命以義不及私倘所謂

樂天知命聞道君子歟詎區區齊生死一彭殤作達觀已

也於茲觀先生之概信傳之不虛矣爰記諸石舊志時

故老相傳往年移建時龜日安主梁文星吉曜咸聚為科名發祥之應今雖故不可易乃以灰布合新材於舊梁并輔其棟雖高過於昔惟從下增其柱礎故舊朽盡易此梁卒未嘗動乾隆三年

御書與天地參匾額頒行懸掛五年邑吏員彭仕捐拓儒學頭門

建三楹葺崇聖祠立下馬牌於櫺星門外疏泮池淤塞又

重修青雲樓伐石庀材高固峙立屹然巨觀嘉慶二十五

年知縣鄒山立捐修詳建仕建樓時其從子錫祚亦捐墁

聖殿新兩廡龕座葺名宦鄉賢祠及各從祀木主趙知希重修學

宮青雲樓記國家重熙累洽百廢具興尤加意

文廟凡殿廡齋舍及有關學校之類許有司以時修葺部民之好義者亦得捐貲經理工成聞於

朝分別旌獎焉邑學宮前城啟門曰遊聖門其上為青雲樓先是樓在學門內知縣黃公虞再改建門之上從形家言

以巽宜高聳取木入坎官之義門以外法法帶水環郭無

道里居民蓋非以壯觀瞻資守禦也年久傾圮遊於門者

滋懼焉自余令奉八年首學宮次城郭橋梁道路以及各

應祀祠廟未修未創者間竭綿力從事賴邑人士好義次

第舉行矧茲樓闕於學宮形勝可聽其傾毀乎哉同僚友

廣文朱來邠先生與余同心亟自於諸士大夫時有吏員

彭君仕者起而應曰古者制國所有事率役民為之後世

計庸受直上之所以恤民益至願習久不察民視公家事

必待質劑焉仕甚恥之夫為民猶將趨事於公矧為士而

不趨事於學耶且夫為善無近名仕少事吏曹三考例得

受爵念老拙無能自効於時惟是督耕力作節衣縮食以

稍有贏餘斯役也仕願竭心力為之無煩明府憂第懇弗

加獎借以昧仕本志余視其年既邁味其言甚旨其於君

民相屬之大義見之至其所謂正誼而不及利其誠肯於

道者耶亟據情申於上臺報可乃伐石庀材一舉而新之

又學門舊狹隘且頽今改建三楹較前宏敞有加其廟西

崇聖祠朽壤者易之泚漫者巧之他如櫺星門外建坊表以

警馳驟疏於塞以規泮水經畫措置不留餘憾善夫彭君

其樂善好義之風誠足附青雲而不朽也抑嘗考學宮經

理水城之後科第接踵而出今復增飾斯樓巍巍翼翼地

脈有靈紆青拖紫之士必知更盛於前彭君之功豈小補哉若乃列之於

朝仰承

聖天子褒榮之典則上臺自有定鑿余亦不能微顯之也經始

於乾隆四年八月十九日告成於本年十二月二十日計費貲一千一百七十餘兩此義舉之彭君與汲引之朱先生皆余所心折而不忘者為之記董事監生徐成業敬慎

周詳又童生彭錫祚外捐百餘金於大成殿復加繪藻鋪

塹及兩廡龕座牌位名宦鄉賢等祠並修整有差成業彭君門婿錫祚其胞姪也合併書之舊志樓為學宮形勝

樓下曰遊聖門與學門對其西城垣下即泮池在櫺星門外水常涸舊因城北望外馮水宛如泮水濼涸極合形家

者言後雖繕城四十二年邑人重建學宮經數載始告成此處不復增堞

其時另開泮池掘得萬曆丙申石碑經一百八十年文字

完善立之櫺星門外明知縣馮挺重修儒學前城增建城樓祭告文萬曆二十四年歲次丙申

八月丙申朔江西南昌府奉新縣知縣馮挺縣丞徐汝翼主簿柴煥典史夏獻臣儒學教諭李權訓導盧子政潘可

受督工巡檢宋應桂等謹以牲醴之儀敢昭告于

至聖先師孔子暨四配十哲兩廡諸賢儒本年太歲之神本縣城隍之神儒學富境土地之神曰伏以修身齊家之關

備二南首著面牆而立之戒宗廟百官之宮墻高數仞竊歎得門而入之難矧在學宮更憑秀水故天子之學曰辟

雍則水取週旋如合璧而觀聽圖橋門諸侯之學曰泮官則水取前拱而如珪而大小從公邁義實詳於雅頌疏法

更密於陰陽家維是奉新學則沿舊內無泮沼正藉馮川以壯波瀾前逼城垣竟碍崇墉而限衣帶彼水門對儒學

意似得於臨流而局向順下沙術最嫌於退烝故名卿碩輔之間出將符識於沙洲之生而賢科黃甲之間稀多歸

咎於門墻之陋謂須前拓舊城墻方丈則廟門向馮水以為奇更兼左建新城樓數尋則學門映巽峰而聳秀職關

提調事貴經營伏念熒甫下車而值文廟之棟撓已經完輯稽堪輿而當午未之歲駕姑俟停工敬擇太歲丙申而

年月日時一烝乃為上吉恭喜八月初吉而根苗花實合朔果自天申蓋聖賢之道當亨故幹枝之層交泰時以作

事工因聚財則有冠帶耆民慶典幹修學効勞於昔年捐貲慕義於今且從此功成不日因是卜吉迨今敢薦庶儀敬申虔禱伏願天地開黃道之吉辰城增固池增深形勢

與保障增麗山川出慶雲而時雨地益靈人益傑文運與國祚益昌白屋出公卿變化無拘於門第青衿完素質佛達不見於城隅由修齊而起家出身者不徒為榮身肥家計而通天下國家為一身緣富美而入廟拜官者毋徒貽宗廟百官譏而莫官家宗社於百世庶慰作興之願實資陰騭之功謹告萬歷二十五年歲在丁酉秋八月吉旦奉新縣儒學教諭李權訓導盧子政潘可受立碑 知縣郝適重建學宮記

國家振興文教首重學校我皇上崇儒重道禮教覃敷詩學暨於上塞洵為千古所未有奉新居豫章西風俗醇厚士人儒雅家崇孝弟戶習詩書前人既言之矣百餘年來涵濡

聖化人文彌盛考諸邑乘學宮自胡寺丞仲容創建於宋厥後遷徙靡常至明始定今所歷年既久雖屢經修葺然風雨剝蝕不能不壞者亦理勢之固然也戊戌秋余奉

簡命來蒞茲土循例謁先師孔子廟與諸生試講畢敬瞻大成殿及兩廡戟門櫺星泮池名宦鄉賢各祠規制具備煥然一新詢諸學博胡董二君乃知邑紳士請前合詳准捐

修工興乙未十月迄今乃藏事木石精良費幾巨萬余聞

而嗚然謂諸君子好義有如是哉昔我夫子諄諄以義望天下故曰見義不為無勇也願義之事與利反實與利

而辨其有所為而為之與無所為而為之者而後義利之辨明而學聖有階也今諸君子之為斯舉豈有所為而然耶惟見於義之不可解出於情之所大順故合邑有同志而四年無渙情於此見

盛朝之聖學昌明而希聖不假外求也衷於義之所當為而已余愧未與斯舉而樂觀其成既喜諸君子之好義而更望繼起諸賢志聖人之志學聖人之學處為名儒出為名臣斯不負今日之義舉以仰答

聖天子興賢育才之盛心也歟是役也木若干石若干費金若干鳩工者誰凡材者誰率作興事者誰均不可不書也附勒諸

石 嘉慶四年

御書聖集大成匾額頒行懸掛九年進城鄉嚴盛旭重修櫺星門

十八年十九年從善鄉重修

大成殿徐南隱支及瑞光良機等重修

大成門歸德鄉重修欄杆式面丹墀徐耕隱竹隱聞禮支重
修東西兩廡鄧慎菴職齋重修泮池欄杆廖爲鐸重修禮
門義路廖從善裔重修名宦祠及祠外墁石進城鄉彭遇
軒裔重修忠義孝弟祠賴炳重修鄉賢祠二十五年嚴盛
旭等重修櫺星門外墁石名勒石碑嘉慶元年監生徐良
誠捐修學宫外右側書院前石路道光二年

御書聖協時中匾額頒行懸掛是年封員徐錫會捐修學宫外
左側石路三年職員徐光旭遵父錫會遺命捐修戟門外
泮池石欄杆

祀典

大成殿奉祀

至聖先師孔子

東配位 復聖顏子 述聖子思子

西配位 宗聖曾子 亞聖孟子

東哲位 先賢閔子損 冉子雍 端木子賜 仲子由

卜子商 有子若 乾隆三年升配

西哲位 先賢冉子耕 宰子予 冉子求 言子偃

顓孫子師

朱子熹

康熙五十一年升配東哲末位乾隆三年改西哲末位

兩廡從祀

乾隆十八年排定

東廡先賢 蘧子瑗 澹臺子滅明 原子憲 南宮子

适 商子瞿 漆雕子開 司馬子耕 梁子鱣 冉子

孺 伯子虔 冉子季 漆雕子徒父 漆雕子哆 公

西子赤 任子不齊 公良子孺 公肩子定 鄒子單

罕父子黑 榮子旂 左人子郢 鄭子國 原子亢

廉子潔 叔仲子會 公西子與如 邾子翼 陳子

亢 琴子張 步叔子乘 秦子非 顏子噲 顏子何

縣子亶 樂正子克 萬子章 周子敦頤 程子顛

邵子雍

西廡先賢 林子放 宓子不齊 公冶子長 公皙子

哀 高子柴 樊子須 商子澤 巫馬子施 顏子辛

曹子邴 公孫子龍 秦子商 顏子高 壤駟子赤

石子作蜀 公夏子首 后子處 奚容子蒧 顏子

祖 句井子疆 秦子祖 縣子成 公祖子句茲 燕

子伋 樂子欬 狄子黑 孔子忠 公西子蒧 顏子

之僕 施子之常 申子枏 左子邱明 秦子冉 牧

子皮 公都子 公孫子丑 張子載 程子頤

東廡先儒 公羊氏高 伏氏勝 董氏仲舒 后氏蒼

杜氏子春 諸葛氏亮 王氏通 范氏仲淹 歐陽

氏修 楊氏時 羅氏從彥 李氏侗 呂氏子謙 蔡

氏沈 陳氏淳 魏氏了翁 王氏柏 趙氏復 許氏

謙 吳氏澄 胡氏居仁 王氏守仁 羅氏欽順 湯氏斌 道光三年從祀

西廡先儒 穀梁氏赤 高堂生 孔氏安國 毛氏萇

鄭氏康成 范氏甯 韓氏愈 胡氏瑗 司馬氏光

尹氏焯 胡氏安國 張氏栻 陸氏九淵 黃氏幹

真氏德秀 何氏基 陳氏澹 金氏履祥 許氏衡

薛氏瑄 陳氏憲章 蔡氏清 劉氏宗周 道光二年從祀

陸氏隴其

謹按闕里文獻考聖門弟子左傳有仲孫何忌及說小戴禮雜記有孺悲射義有公罔之裘序點家語又有孔璇惠叔蘭莊子有常季晏子有鞠語呂覽有顏涿聚史記作顏濁鄒成都文翁石室有廉瑀魯峻石壁畫有子服何皆受

業孔子其中未必無可採入從祀者今備列其名以俟後之議禮者考證焉

甘汝來請復先儒吳澄從祀疏 疏為請復先儒從祀以崇正學以裨

聖化事竊惟表彰先賢乃盛世崇儒之曠舉釐正祀典尤聖代議禮之鴻模臣伏考元儒吳澄天姿英異少時即知用力

聖賢之學致踐履之實以道自任因而著書立說師表當世其自勵則有勤謹敬和自新自修克己悔過矯輕警惰

等銘其教學則有學基學統等篇又考立孝經校定易詩書春秋修正儀禮戴記各有纂言又校訂皇極經世及老

莊太元樂律等書皆所以啟大道之堂與為後學之津梁者也至於德性純粹氣象春容言規行矩可法可傳施教

成均則師道尊重進講經筵則誠意深摯昔人謂其進學之勇見道之真周程張朱莫或過之非虛語也明宣德時

禮部尚書胡濙等會議吳澄為元大儒有功名教詔准從祀將百年及嘉靖初輔臣張璠引謝鐸之議以澄生

宋仕元遂黜其祀不知澄之在宋雖膺鄉薦未嘗一命宋制鄉薦不第者仍充生員澄並未登第固依然韋布耳及

天下歸元已久率土皆臣賢君相敦聘不已乃猶十召而不起甫進而旋退官止於師儒職專於文學出處之際卓

然君子璉乃以是而貶之亦謬矣况元之大儒惟許衡與
吳澄二人澄固宋之逸士衡亦金之遺老金之視元猶宋
之視元也許衡仕元未有議之者獨苛於吳澄何耶非論
之平也伏查雍正二年

世宗憲

皇帝諭令廷臣釐正文廟祀典經九卿諸臣議准宜復祀

者六人宜增祀者二十人考核精詳至公至當獨吳澄一
人未經議及似屬遺漏臣蒙

皇上天恩昇充三禮館總裁伏見吳澄所著禮經諸書援據精

切義理融貫闡俗學之淺陋發前賢所未發實能羽翼經
術昭示來茲按祀法有功於聖道者則祀之今澄者著述

之功彰彰具在未便置之不論茲欣逢我

皇上崇儒重道正禮明禋集道統之大成晰羣疑於千古此時

若不亟請復祀則澄之真儒實學終埋沒而不彰矣合無

仰請

勅下廷臣集議將吳澄仍准入祀廟庭不獨為先儒表揚遺徽

將使正學日隆人心胥勸風聲所樹洵足開萬世太平之

基矣

崇聖祠明嘉靖九年遵制建啟聖祠於文廟之西南十一

年邑生員蔡焯捐貲增創啟聖祠及神厨牲房具如制知
縣來汝賢記

國朝雍正元年加封孔子五代王爵改啟聖祠曰崇聖祠乾

隆十年邑舉人蔡尙才偕弟貢生鴻才於明倫堂東合貲

捐創崇聖殿殿後為尊經閣閣下左右輔為屋五楹廊屋

二間殿前為兩廡又前為頭門門左右亦為屋五楹左為

祭樂器庫右為牲房倉廩門外甃石為甬道梁棟椽桷蓋

瓦級磚盡選以良材堅甃崇垣圍繞規制偉麗為諸郡邑

冠陳景仁鼎建崇聖殿尊經閣碑記奉新廟學在馮川之

濱規制向稱粗備其右舊有崇聖祠沿明啟聖故祠地

既湫隘無楹柱之屬從祀俱列堂上非禮也左為學署屋

風雨剝蝕不免朽蠹初分巡周公郡牧李公嘗以事至縣瞻仰之餘慨然思所以新之未遑也歲在乙丑邑孝廉蔡君尚才明經鴻才來請於司訓陳君願出其私財竭力創興之陳君為上其事於大中丞學使者咸報可於是蔡君迺諮於邑大夫士以廟左地爽塏而寬舒又合於形家者言請毀其學署東所謂小樓者自魁星樓至明倫堂左為地廣幾丈縱倍之中建崇聖大殿其後為尊經閣其前為祠門廳堂周以崇垣繚以迴廊凡門榮廡序戶牖甬道階級之屬靡不具備以三月十八日起工十月十七日落成計用金四千一百二十六兩有奇先是七月初余奉檄調任奉新至甫兩月而工竣余嘉蔡君之志將白於上臺以其事聞於

朝蔡君頌感來言曰某兄弟之為是蓋竊觀聖天子崇儒重道之意以自盡其心之所安至于干名冒旌非某之所敢當也敢固辭嗟夫若蔡君者可謂知所重矣夫祀大事也崇聖一祠固孔子明德之所自出若夫六經史傳則如圖球大訓頌自策府是舉也以尊朝廷之賜而隆秩祀之禮甚盛典也爰為之記 舊志按崇聖祠始建於聖殿西南地既湫隘自蔡燔增拓後沿襲舊制且二百餘年而明倫堂左尊經堂僅一小樓藏書籍風

雨不蔽其前後地極寬爽尚才等撤舊而改創之功在聖門事尤前烈可謂善繼事者矣尚才鴻才即燔之五世從孫也嘉慶十八年尚才姪孫廩貢蔡象頤重修 潼關楊詠記

貨財名善舉願視其所用者何地何事思以培本則善以邀福則鄙聖人者天下之本原也天下人之所以生所以治皆聖人為之故有能出重費以時葺完其廟堂禮器亦尊聖人之一端雖三尺之童知其非為邀福計矣道光三年詠領江右泰和篆與司鐸奉新蔡君象頤甚相得知蔡氏世世用財於學宮先是其族祖諱焯者前明以子官封資政大夫特建啟聖祠費千金經兵燹焚毀殆盡國朝乾隆某年月日其曾伯祖孝廉諱尚才與弟中憲大夫鴻才鼎建崇聖殿暨尊經閣費數千金歲久殿宇漸頽蔡君念先世詒謀不可替嘉慶甲戌重修飾之費亦千餘金其族祖其曾伯祖兄弟善已而蔡君者家僅中人產屈迹諸生縱稍吝於財誰其強之乃樂於用財如此此誠未易為一二俗人道也蓋一舉而兩善具焉彰祖述寓孝思也崇聖人重本原也足以愧天下之不肯用其財與不善用其財者詠故樂得記之

崇聖殿奉祀

肇聖王木金父

裕聖王祈父

詒聖王防叔

昌聖王伯夏

啟聖王叔梁紇

崇聖殿四配東配位先賢顏氏無繇孔氏鯉西配位先賢

曾氏點孟孫氏激

兩廡從祀東廡先儒周輔成程珦蔡元定西廡先儒朱松

雍正二年增祀張迪

名宦祠歷朝入祀宋知縣廖擇楊萬里沈雲舉高南壽王

正邦張瑄明知縣璩鎮海田濟謝峻楊勳吳景王嶽何淳

劉守緒朱雲鳳陳仲錄金應徵陳雋朱南英支大綸馮燧

李元調李允佐南昌府推官李嗣京教諭張克靜周文盛

林勤唐經農志科訓導况思文縣丞何永清

國朝入祀知縣黃虞再董宏毅提督學政高璜楊禹

鄉賢祠歷朝入祀南唐徵士羅靖羅簡宋國子監簿胡仲

堯員外郎胡順之光祿寺丞胡仲容通判胡用莊尚書胡

直孺知府余紹祖知縣陳特立知軍事胡价通判余炎午

進士陰應夢童科陰幼達陰幼遇元縣尹鄧梓山長陰炤

明主事黃載侍郎陳宗禮御史邵彥輝監丞張顯高士劉
 應鸞通政呂爰正布政使熊本誠知縣劉震助教廖彤知
 州周鑑通判余鼎實訓導鄧九思知州余秉清尙書宋景
 主事余禎御史鄧顯麒通判余茂副使廖天明知府余良
 翰尙書蔡國珍知縣余良楨府尹宋國華少卿宋應和
 國朝入祀同知徐文璉知府涂文煥知縣甘文翰同知宋士
 中左都御史帥衆贈檢討張應辰贈給事中帥我知縣封
 尙書甘顯祖尙書甘汝來教授贈知府宋五仁
 忠義孝弟祠雍正二年定制祀宋知縣趙時侑元照磨鄧
 椿縣丞舒泰明守備帥萬全孝子黃夔余禎周煊趙霽余

良贊甘大榭謹嘉訓宋應鼎帥以忠魏應科謹光彩

國朝贈參將李永昌贈都司僉書李名芳孝子宋士燧萬選
 舊志元孝子涂可軾湯霖明嚴聖臣李應選周勃許廷
 仁廖本彛徐亮鄧銓耆碩陰銑義士黃翊彭文亮熊玉全
 張規德胡雪五

國朝祀忠臣把總周焜孝子副貢徐業顯邑庠羅興梧余以
 英廖希煥鄧沐任

節孝祠雍正二年定制祀余文佐妻費氏魏文博妻湯氏
 胡紳妻謝氏謝烽妻雷氏謝邦化妻余氏陰一暘妻邵氏
 陰期孫妻黃氏廖繼耕妻余氏李瓚妻胡氏余陽妻張氏

易功廉妻江氏徐錙妻舒氏余楷妻舒氏徐執楊妻吳氏
 周南妻彭氏徐袞妻余氏徐文珙妻張氏羅念三妻陰氏
 廖邦本妻項氏徐士登妻周氏劉尙三妻潘氏徐時魁妻
 余氏宋承慶妻顧氏劉日懋妻彭氏宋雍三妻熊氏羅懋
 孳妻劉氏徐水三妻舒氏甘應俊妻熊氏廖之元妻王氏
 羅秉文妻劉氏徐一泰妻彭氏徐光捷妻陳氏潛振遠妻
 鄒氏劉應麟妻李氏余觀生妻陳氏甘俊妻胡氏余德俊
 妻古氏甘懋謙妻單氏唐顯眾妻馮氏劉待晉妻徐氏廖
 邦春妻陳氏徐楫彥妻王氏徐方揆妻帥氏陶邦興妻羅
 氏周時虎妻晏氏徐天棊妻陳氏陳奕慶妻廖氏廖軾妻

趙氏徐維統妻帥氏甘本燈妻涂氏鄧自適妻魏氏

俱已旌

土地祠在明倫堂西偏其創始莫可考今移建儒學頭門

左側

明倫堂明洪武三年知縣俞思濟於大成殿北創明倫堂
 甃東西兩廡各五楹及齋舍環宮築墻垣東西廣二十四
 丈直深二十五丈嘉靖七年遵制立敬一亭於文昌祠北
 舊志亭久廢乾隆十年改建崇聖殿掘土數尺得石碑鐫
 御製敬一箴書法端秀刻龍繞其四隅鱗爪精細具如新
 今鑿之明倫堂天啟元年知縣袁化重修

國朝雍正七年教諭李文錦倡修明倫堂及殿廡自為記乾
 隆四十四年合邑重建

陳鳳旌記堂何以建繼事也堂之前廟制頗隘遂截堂墀地以廊之

勢踴甚焉改建之宜急也且是堂也創始於前明距今二
 百餘年矣中間雖屢加修葺而蠹蝕之傷所不免焉今殿
 已告成豈無人焉起而任其事者歲已亥春招邑同志議
 於堂為簿券計願又以大工煩費之餘恐應者有難色而
 余曰不然余惟道之散見於倫類也跪乳及哺物猶報本
 矧其在人也命於天而成於教則必有所性所命之屬經
 綿而莫解於其中者且吾邑因多好義士殿成矣何憂乎
 堂顧於時不急起而繼之而其事且以因循而遂廢甚非
 所以敦倫常厚風俗之道也歲之旦月遂與諸同人請於
 公諸所需材且悉貫之未幾旬月而薦紳士庶之家儉金
 者已忻然四應矣於是先期卜日謁賢宰而戒以將事設
 程簿審經費酌器具完者拾之以補其不足無靡材矣猶
 懼其簡而陋也培者峻其基築者固其址次第而丹雘之
 者不奢不儉而一一求合於法而止堂之規退後二丈有
 奇因廟制也高廣皆增於舊左建亭貯碑右增制小舍三
 間繚以藩垣為邑治公局右樹桂左種槐繼長增高以待
 時雨經始於己亥九月越明年五月告成夫然後堂與殿
 交輝而向之棟敬而殿礫者今且煥然一新矣夫學貴有
 繼重建者所以為繼也而余獨有感焉自我
 朝雍正十三年先王父重加捐葺綿延至今而余不克負禘

其後愧何如之顧幸諸君子合志同心一朝奮勵庶獲相
 與以有成將上以答

聖天子樂育之盛心而余之欲繼先志而力未逮者且藉眾力
 以勦成之而稍以慰余初念也堂既成因上其事於邑宰
 而屬予記之時宋公緱胡公之瑞宋公九銳廖公為華嘉
 甘公志遂朱公正元皆能以和衷集事者並書於石焉嘉
 慶十九年奉化鄉毓英堂重修

尊經閣在崇聖殿後乾隆元年教諭朱孔陽葺文昌祠改
 為尊經閣十年邑舉人蔡尙才貢生鴻才修嘉慶十八年
 廩貢蔡象頤重修

補過齋在明倫堂東原名進德齋宣德九年知縣璩鎮海
 建後改為尊經堂乾隆元年教諭朱孔陽復改尊經堂於
 文昌祠易今名

射圃舊在儒學門左知縣謝煥建成化二十一年大水漂沒正德六年知縣侯盛復於學宮後買四惠廟廢址改建創門樓一座觀德亭三間嘉靖六年提學徐一鳴毀崇元觀知縣周世雍於觀之西址復創射圃及觀德亭刻鄉射禮節以垂教今皆廢

觀瀾亭在東廡之東洪武三年教諭張克靜建今廢

與點亭在明倫堂東隆慶五年教諭朱何建今廢

教諭署在聖廟東北即今尊經閣所

訓導署在聖廟西南即舊啟聖祠地

舊志按知縣璩鎮海所建明倫堂東西二

齋即訓導署崇禎十五年西齋訓導奉裁署遂廢國朝順治十六年東齋訓導復奉裁官廨如故教諭署舊在

明倫堂後景泰七年知縣謝煥買民地創建後圯不復修僅存虛址教諭所居推於故所奉裁東齋訓導宅僅三舍國朝康熙三年裁教諭復設訓導二十二年復設教諭教諭仍居東齋訓導則遷於東門府館風雨剝蝕常苦支吾乾隆十年舉人蔡尙才偕弟貢生鴻才撤廟東尊經堂捐創崇聖殿尊經閣左右及廊屋遂為教諭署時訓導陳國亮取所撤尊經堂材料益以已俸創公廨三重於啟聖故祠地為訓導署乾隆丙申因修文廟又重葺之

祭器

舊志祭器厯沿舊制殘缺過半所存範金數事又多損壞乾隆十二年奉文頒發春秋陳設煥然一新

舊銅器大香爐一小香爐四損一 大圓花瓶二瓶耳缺其一 大小爵八十有八完好者二十九餘俱損壞 舊鐵器大小中香爐各三中俱損大小各損一又破碎香爐

九鐵貯學庫 舊瓷器罇一 舊木器豆三十三 帛盒
 五 燭架十二 新置銅器勺八 新置鐵器燔爐二
 庭燎爐八 新製錫器盥盆二 茅沙池二 新置瓷器
 登一 彝二 鼎十六 毛血盆二 碟十六 銅二十
 二 簠簋各六十二 罇十五 爵十八 香爐十 新
 製竹器籩二百四十六 新製木器豆二百三十六 饌
 盤十六 牲盤十八 俎二十 燭臺一百零六 高照
 四十六 帛盤十八 供桌九 新製紬器幕幃八 卓
 帷十八
 祭品 雍正三年定制乾隆四年頒發文廟陳設圖

大成殿正位 白瓷爵三 罇一 牛一 羊一 豕一

登一實以太羹 薄牛肉汁 鉶二實以和羹 用猪脊骨肉薄切片滾湯淪過

漉起醬醋等調勻置碗底用腰子切荔枝形蓋面臨祭用薄滾汁澆之 簠二在左 鉶南實

以黍稷 簋二在右 鉶南實以稻粱 籩十在簠東實以

形鹽 靜鹽羅 藁魚 大魚鹽醃過臨祭洗淨酒浸片時 鹿脯 肉一塊酒醃炙無鹿處以麋鹿

羊或膠或乾或栗用大栗如無以榛揀肥實者如無菱代棗鮮取圓淨者荔枝龍眼代 榛 以核桃荔枝代菱

或菱米芡即雞頭實如右八籩作兩行 黑餅 菽麥麵造或鮮菱芡無以蓮肉代 右八籩作兩行 黑餅 菽麥麵造

為餠印作白餅小麥麵造肉餠 右二籩在前八籩之東一

行 豆十在簋西實以韭菹 揀過生韭切去本末取中三寸澹用如未發芽取根用

芹菹 揀淨生芹長切澹用 菁菹 揀過菁菜切長 筍菹 淨如未發芽亦取根用

筭煮過洗淨醢醢猪脊脊肉細切小方塊用鹽鹿醢鹿肉切長片澹用醢醢酒葱椒蒔蘿茴香拌勻作鮮鹿醢切作小塊造兔醢兔肉切小塊魚醢鮮魚肉切小方塊造法同上右八豆作法同上

兩行 脾析用羊脾切細條沸湯撈過鹽酒拌勻用豚拍猪脊膊上肉若壇數多近膊者亦可

用右二豆在前八豆之西一行 禮神制帛一用綾長一丈八尺實諸篚在籩豆之南 鑪一 鐙二

四配每位 白瓷爵三 羊一 豕一 鉶二 簋二

簋二實同正位 籩八 豆八視正位籩減白餅黑餅豆

減脾析豚拍 篚二東西各一實二帛用絹 鑪一 鐙

二

二

十二哲東西各六案 白瓷爵各一 鉶各一實同 簋

各一 簋各一分實黍稷減稻粱 籩各四 豆各四視

配位籩減鯧魚榛菱芡豆減韭菹醢醢筭菹魚醢 東西

各羊一 豕一 罇一 篚二東西各一各實六帛 鑪

一 鐙二

兩廡先賢先儒二位共一案 每位爵一 每案簋一

簋一 籩四 豆四實俱同哲位 先賢案前東西各羊

二 豕二 香案一 鑪一 鐙二 先儒案前東西各

羊一 豕一 香案一 鑪一 鐙二 篚二東西各一

制帛各一 酒罇三

崇聖殿正位與大成殿配位同

四配同哲位 酒罇一

兩廡先儒同哲位 酒罇一

樂器

舊志云樂器久缺不知始於何時乾隆十二年偕祭器奉
頒祀事之制始備建二庫於大成殿之左廂一貯祭器一
貯樂器

大鼓一 楹鼓一 應鼓一 鼗鼓二 琴六 瑟二

笙六 龍笛六 鳳簫二 洞簫六 塤二 篪二 祝

一 敔一 佾翟四十八 舞籥四十八 羽毛一百四

十四 石磬十六 銅鐘十六 象簡六 麾幡六 旌

節二 干二 戚二

祀儀

時日順治二年定每歲以春秋仲月上丁日致祭如遇有
事改次丁日或下丁日十五年定時辰用上丁日子時
齋戒雍正十年定前期執事人等各於家致齋二日

樂奏康熙八年訂正樂章改章名和爲平稱中和韶樂五
十二年改造樂器審定黃鐘之度五十五年奏准平字樂
章頒行

欽定文廟春秋丁祭樂章

大哉孔子先覺先知與天地參萬世之師祥徵麟紱韻答金絲

日月既揭乾坤清夷

昭平章迎神

予懷明德玉振金聲生民未有展也大成俎豆千古春秋上丁

清酒既載其香始升

宣平章初獻

式禮莫愆升堂再獻響協鼓鏞誠孚鬯獻肅肅雍雍魯髦斯彥

禮陶樂淑相觀而善

秩平章亞獻

自古在昔先民有作皮弁祭菜於論思樂惟天闢民惟聖時若

夔倫攸叙至今木鐸

叙平章終獻

先師有言祭則受福四海黷宮疇敢不肅禮成告徹毋疏毋瀆

樂所自生中原有菽

懿平章徹饌

鳧繹莪莪洙泗洋洋景行行止流澤無疆聿昭祀事祀事孔明

化我烝民育我膠庠

德平章送神

謹按康熙五十五年初定樂章頒發於各府州縣學雍正八年重易今樂章乾隆五十一年定樂譜鍾呂嘉慶五年遂并頒譜於各學舊志迎神咸平初獻寧平亞獻安平終獻景平徹饌送神俱咸平與會典異今改正

祝文乾隆九年頒定文曰惟先師德隆千聖道冠百王揭

日月以常行自生民所未有屬文教昌明之會正禮樂節

和之時辟雍鐘鼓咸恪薦於馨香泮水膠庠益致嚴於籩

豆茲當春秋仲祗率葵章肅展微忱聿將祀典以復聖顏子

宗聖曾子述聖子思子亞聖孟子配尚饗

省牲乾隆四年頒定前期一日承祭官至文廟觀樂畢具

朝服上香行三跪九叩頭禮畢至省牲亭香案前獻爵奠

酒揖宰牲取血執事生捧送各案供奉承祭官俟安設畢
一揖退按會典云凡省牲前期二日宰牲前期一日牲四
等曰犢曰特牛曰太牢用牛一羊一豕一曰少牢
用羊一豕一其牛色尚騂或黝

儀注乾隆四年頒定正祭日丑前五刻陳設牲帛器數省
視如儀承祭官暨分獻官陪祀各官皆朝服入大成左右
門北面序立引贊引承祭官詣盥洗所盥洗手畢詣拜位前
立引分獻陪祀官咸詣拜位序立通贊唱樂舞生就位執
事者各司其事承祭官就位分獻官陪祀官各就位唱迎
神乃舉迎神樂奏昭平之章樂作唱行三跪九叩首禮興
樂止唱奠帛爵行初獻禮舉初獻樂奏宣平之章舞羽籥

之舞樂作引贊引承祭官升東階入殿左門詣

先師香案前贊上香司香跪捧香承祭官三上香畢俯伏興次
詣

先師位前贊跪承祭官跪贊奠帛司帛跪奉篚承祭官受篚拱
舉奠於案贊獻爵司爵跪捧爵承祭官受爵拱舉奠於墊
中俯伏興引贊引詣讀祝位樂止贊跪承祭官跪分獻陪
祀各官皆跪贊讀祝司祝跪讀祝畢樂作承祭官分獻陪
祀各官皆行三叩首禮興引贊以次引承祭官詣四配位
前皆贊跪奠帛獻爵俯伏興復位引贊分引兩序分獻官
升東西階入殿左右門詣十二哲位前跪奠帛獻爵俯伏

興復位引兩廡分獻官分詣先賢先儒位前跪奠帛獻爵
俯伏興復位樂止通贊唱行亞獻禮舉亞獻樂奏秩平之
章舞同初獻樂作引贊引承祭官升階詣

先師暨四配位前奠爵於左如初獻儀兩序兩廡分獻畢均復
位樂止通贊唱行終獻禮舉終獻樂奏叙平之章舞同亞
獻樂作引贊引承祭官升階奠爵於右如亞獻儀兩序兩
廡隨分獻畢均復位樂止文舞退通贊唱飲福受胙引贊
引承祭官詣飲福受胙位贊跪承祭官跪贊飲福酒右一
人跪遞福酒承祭官受爵拱舉授於左次受胙如飲福儀
承祭官三叩興復位通贊唱各官均行三跪九叩首禮興

唱徹饌舉徹饌樂奏懿平之章樂作徹饌畢樂止唱送神
舉送神樂奏德平之章樂作復唱行三跪九叩首禮興樂
止唱捧祝帛香饌送燎執事生各捧祝帛饌香恭送燎所
承祭官避立拜位西旁俟過復位樂作引贊引承祭官詣
燎所望燎畢復位樂止通贊唱禮畢乃各退

按丁祭儀注
舊志所載與

頒定儀注多歧異今遵禮部則例改定

與事官康熙四十九年定同城武職俱照文職一體入廟
行禮雍正五年定每歲春秋仲月上丁日正印官率領屬
員照典制行禮

文廟獻官正獻知縣主之分獻教諭訓導主之

文廟執事通贊二人贊引二人讀祝一人監洗濯二人監
宰一人收支祭物一人監庭燎瘞坎二人陳設一人司帛
五人司爵五人司盥一人司帨一人司香燭一人瘞毛血
六人司酒胙二人

誕日雍正五年定每歲八月二十七日

至聖先師孔子誕辰恭值此日文武各官致齋一日不理刑名
禁止屠宰

崇聖祠祀儀

時日順治二年定每歲致祭日期與文廟同

齋戒與文廟同

祝文乾隆九年頒定文曰惟王奕葉鍾祥光開聖緒盛德
之後積久彌昌凡聲教所覃敷率循源而溯本宜肅明禮
之典用申守土之忱茲屆仲春聿修祀事以先賢顏氏先

賢曾氏先賢孔氏先賢孟孫氏配尚饗

儀注乾隆四年頒正祭日承祭官及執事人等俱集通贊
唱執事者各司其事承祭官就位分獻官就位承祭官就
拜位立分獻官就位立通贊唱迎神贊引生贊跪叩興承
祭官分獻官俱行二跪六叩頭禮興通贊唱奠帛行初獻
禮贊引生贊承祭官入殿左門贊引生贊詣

肇聖王位前承祭官詣位前立贊引生贊上香跪承祭官

跪贊引生贊獻帛獻爵獻畢贊叩興承祭官一叩頭興贊
引生贊次詣

裕聖王位前次詣

詒聖王位前次詣

昌聖王位前次詣

啟聖王位前奠帛獻爵如前儀畢贊引生贊詣讀祝位承
祭官詣讀祝位立讀祝生至祝文案前捧祝版立於案左
贊引生贊跪承祭官分獻官皆跪贊引生贊讀祝文讀祝
生跪讀畢捧祝版安于案上退贊引生贊叩興承祭官分
獻官俱三叩頭興贊引生贊詣

先賢顏氏位前次詣

先賢曾氏位前次詣

先賢孔氏位前次詣

先賢孟氏位前獻帛爵俱如前儀其

兩廡分獻官獻帛爵俱照承祭官行禮畢贊引生贊復位
承祭官分獻官復位立通贊唱行亞獻禮承祭官獻爵如
初獻儀畢復位立通贊唱行終獻禮承祭官獻爵如亞獻
儀畢復位立通贊唱飲福受胙如文廟禮一跪三叩頭畢
通贊唱徹饌送神贊引生贊跪叩興承祭官分獻官俱行
二跪六叩頭禮興通贊唱司帛者捧帛司祝者捧祝各詣

望瘞位立祝帛焚半贊引生贊禮畢各退

名宦祠鄉賢祠祭日同文廟陳設祀儀俱同小祀

忠義孝弟祠祭日同文廟陳設祀儀俱同小祀

祝文乾隆九年頒定文曰惟靈稟賦貞純躬行篤實忠誠

奮發貫金石而不渝義問宣昭表鄉閭而共式祇事懋彝

倫之大性摯我蒿克恭念天顯之親情殷棣萼模楷咸雅

乎懿範綸恩特闡其幽光祠宇維隆歲時式祀用陳尊簋

來格几筵

節孝祠祭日陳設祀儀俱同忠義孝弟祠

祝文乾隆九年頒定文曰惟靈純心皎潔合德柔嘉矢志

完貞全閨中之亮節竭誠致敬彰閭內之芳型茹冰蘖而
彌堅清操自勵奉盤匱而匪懈篤孝傳徽絲綸特沛乎殊
恩祠宇昭垂於合典祇循歲祀式薦尊醪
存貯書籍

聖諭廣訓

御纂周易折中 性理精義 朱子全書 周易述義 詩義折

中 春秋直解

欽定書經傳說彙纂 詩經傳說彙纂 春秋傳說彙纂 三禮

義疏 日講四詩解義 四書文 授時通考

御製詩初集 二集 評鑑闡要

御批通鑑綱目三編 部頒明史 學政全書 文武官員相見儀注 上司屬員接見義注

上諭三種各一部 文廟陳設圖一冊 名教罪人書一集 御製書經一部 詩經一部 春秋一集 性理一部 樂章一集

欽定本朝四書文一部 祭祀壇廟祝文一冊 御撰鋼鑑錄一部 御論講章一部

弟子員額廩膳生員二十名增廣生員二十名附學生員 舊編中學歲科兩試額進新生各一十二名雍正二年題

准改為大學加增三名今歲科兩試額進新生各一十五名

康熙六十一年

恩詔直省儒學增廣學額一次 雍正二年甲辰加取七名

雍正十三年

恩詔直省儒學增廣學額一次 乾隆元年丙辰加取七名

乾隆六十年

聖駕親詣

文廟釋奠禮成直省儒學增廣學額一次 嘉慶元年丙辰加取五名

嘉慶元年

恩詔直省儒學增廣學額一次 二年丁巳加取七名

嘉慶四年

恩詔直省儒學增廣學額一次 五年庚申加取七名

嘉慶二十五年

恩詔直省儒學增廣學額一次 道光元年加取七名

道光元年

恩詔直省儒學增廣學額一次 三年癸未加取七名

武生額歲科併考仍照舊額進新生一十二名

學田 店附

明邑人胡士琇捐置奉化鄉蛟湖田租四百石離縣百里

艱於收納萬曆三十八年變價三百四十六兩有奇買負

郭田租早晚共三百二十一石三斗八升其動用款項輸

納賦稅外修理學宮整補祭器書籍贍寒士及考課供給

諸費鐫列石碑豎在明倫堂內荒五担有零實在坐落地

名遐富一百四十八石後岡山四十九石二斗板橋四十

一石東門赤墀共四十一石八斗馮田三十六石共三百

一十六石 舊志按宋咸平元年建學時即有養士田崇寧

廢淳熙二年知縣沈雲舉劉仲堯鍾將之復以玉虛觀廢

田為學田自元至明共有田租一千三百四十餘石坐落

各鄉修德庄信善庄白水庄田南庄今無一存者唯胡士

琇所捐釐然具在然佃戶俱各本地人世以為業向因穀

折交每石銀二錢悉由胥役徵收督學歲試時僅申解給賑貧生銀兩外餘俱隱沒莫可考廢者已不可復存者又至於斯不可無前車之鑒也乃者邑諸生公稟督學請照時價折交除原解額外餘歸義學以資師徒膏火現奉批准清查杜侵佔以培士類實風教一大轉移時也

聖廟田雍正十一年邑監生廖斯騏偕弟監生斯驊捐置

奉新鄉陰家邊田租一十石乾隆五年邑貢生李繼拔捐

置奉新鄉陰家邊田租二十一石八斗五升知縣趙知希記奉新學宮

向故湫隘弊壞貢生陳坦暨吏員彭仕童生彭錫祚等先後修葺凡大成殿崇聖殿明倫堂魁星閣及兩廡櫺星門學門青雲樓併名宦鄉賢諸祠莫不煥新庶足以安至聖之靈而展釋菜之禮矣然聖人之俎豆萬世彌馨而土木

之雕鏤歷久必壞是非學有恒產歲取其入類加修葺不可貢生李子繼拔存心學校不狃目前慨然出金置田以為歷年修葺之需事聞各憲咸加獎勉飭移學入冊除輸稅外餘登簿籍以稽出入歲終質其成洵屬義舉爰記之

以垂永久十三年邑介賓謝懋楠捐置建康鄉田租六石已上

所捐租共三十七石八斗五升戶名上官里每歲租穀學

師收貯納稅外為歲修學宮及祭樂兩器之費十五年邑

生員蔡濟才偕弟監生秉寬懋才應銓原名承父貢生若

桂遺命捐置奉化鄉上富田租二十五石五斗以備學宮

久遠修葺戶名蔡侑聖經理出入俱做蔡尙才鴻才崇聖

殿田法知縣余潮記歲在己巳余承乏奉新下車賦謁文廟禮也釋奠之餘周覽學宮規制粗備惟其東

崇聖一祠朱蕞彫題簷宇軒敞迺揖諸生而問之知為邑孝廉蔡君尙才兄弟所創建也余心儀其人明年以編纂志乘延蔡君至嘗過從館局相與商確古今因籌及學宮修葺歲費蔡君為余言其從父石臣君向有志於修葺未逮而捐館舍今其子濟才等稟厥遺命願割食田十一畝有零歸諸學宮俾歲有所補苴以無致於圯壞余聞而

之末幾濟才介蔡君來謁欲請余一言以為之記余惟蔡氏之有功於學廟久矣曩前明時學始有啟聖祠故冢宰蔡靖公之父騰光公更加營建焉歷百六十七年而蔡君繼之以踵武其前烈今石臣父子復懃懃於斯抑何志之深而慮之審也蔡君又為余言曰籍於學而出入仍濟才身司之凡歲所修理一切不以煩有司其審度措置井井有條又如此夫不忘父命蔡之志也先事而圖謀之裕也觀於此而石臣君之貽謀與濟才所以歸善於親之道皆可見矣遂不辭而為之記俾勒諸貞石以告後之學者石臣君名若桂歲貢生候選訓導蔡靖公之族孫能詩生平多善行濟才邑諸生秉寬懋才俱國學生瀾儒童蔡君事具余所為歲修崇聖殿碑茲不贅

乾隆十七年監生謝士迎捐送建康鄉田租一石二斗五升三十七年生員劉宣仁監生劉宣化劉紹麟捐送建康鄉田租一石八斗三十八年貢生胡國章捐送南鄉田東田租七石四十一年監生李嘉閻捐送奉新鄉田租十石

訓導董枝桂記乾隆

四十有一年歲在丙申奉新紳士重修聖宮誠盛舉也為首事者往來學舍因得與李生嘉閻相知甚悉間者揖予而言曰

皇上御極之十二年頒各學宮祭器如古禮俎豆輝煌几筵璀璨第日久或減鮮豔之色歲加丹雘兩師臺青氈水署頗費經營生幼奉庭訓株守一經雖修名勿及檢身未遑而

於大聖人時廣高山之什敬奉田租為修祭器費以寄景仰之意

師臺其許否乎予深嘉之欽惟聖天子重道隆師於各學宮之制有加無已此邦人士循覽廟

宇慮其漫漶一舉而新之所以愛至聖之靈者不為不至獨祭器一項殊未完備且多朽蠹每遇

春秋釋奠不無因陋就簡誠不足與數仞宮牆交相輝映久欲與首事諸公籌畫修整以貲不給而遂止今生仰體

欽頒之至意肅重至聖之明禋既勸修宮廟復願捐田畝為修祭器計不啻如余

意之所欲出雖為數無多而積歲之所入於以逐漸增置舍舊圖新亦將煥然改觀矣且生性剛直讀書頗識大義修橋平路恒多義舉而此一事猶足以徵嚮往之誠語曰沃枝葉不如培根本李生其可謂知所務者歟余既嘉其

行因樂得而爲之記田在縣西十餘里奉新鄉土名大栗樹下坪上爲坵三計租十石例得附書

四十七年熊三壽捐送建康鄉田租三石邑耆民廖爲睿捐送縣市石橋圍田租八石五斗監生解紹綸捐送建康鄉田租十石五斗職員鄒隆先捐送同安鄉田租八石監生徐世顯捐送奉新鄉田租八石監生嚴有性捐送進城鄉田租八石七斗監生余元相捐送奉新鄉田租六石四斗監生潘澄潘源兄弟捐送建康鄉田租三十二石職員廖廉捐送田租十石四十八年監生宋之郊捐送新興鄉會埠中街店屋一所四十九年監生張三仕同弟錫綱錫亨錫省捐送新興鄉田租十二石五十三年職員劉學煜

同弟監生近仁姪監生濟川捐送同安鄉田租三十五石六斗五十七年生員宋潢捐送宋埠真君殿側坐西朝東店屋一間及後斥屋并基地一片六十年法城鄉武甘本

輝同弟本煜本燿捐送漸里田租二十石縣市廩生

廖爲淞同弟貢生爲楸生員爲榷遵父監生謨命捐送奉新鄉田租七石又遵母劉氏遺命捐送奉新鄉田租六石二斗五升廖宏恩宏開兄弟捐送奉化鄉土名業家嶺杉

木茶山一嶂嘉慶元年監生彭獻琨捐送新興鄉招賓圍

田租此田據案移後副貢洪達捐送北鄉鎖石圍龍坑田

租八石五斗徐錫卓遵母劉氏遺命捐送奉新鄉城子腦

田租三石余席珍捐送田租八石十三年陳允勝捐送建康鄉盧家陂田租五石五斗又房屋一間竹山一塊十五年同安鄉監生徐愛棠遵父邦穀遺命捐送北鄉土名朱坊田租三十石道光二年職員陳世瑜偕弟監生世珂捐送奉新鄉莽坳田租二十四石黃百福捐送進城鄉土名澡里楊家山和尚腦茶山一半三年職員廖經綸捐送新興鄉勘頭墘子上田租八石監生趙蘊和遵父職員廷蘭遺命捐送建康鄉六岡北岸田租七石廩生熊鳴鳳監生鳴鳳遵父監生宗瀚遺言捐送新安鄉山里橫頭里田租五石七斗五升監生熊履泰童生應龍遵父監生宗灝遺

言捐送建康新安二鄉田租十一石同安鄉縣丞李崇藩捐送本鄉土名碓嘴頭田租二十石監生廖昺祥遵父職員七灝命捐送奉新鄉西冲里旱壠口田租三石五斗監生廖廷輝童生基昫承祖學聰命捐送同安鄉田租四石五斗職員劉世臣遵父遺命捐送法城鄉南分墩晚田租十一石又捐送入歲修戶內晚田坐落奉新鄉黃城土名屋場裡租三石二斗涂家側租二石六斗生員劉校書職員閣書童生懋和捐送同安鄉聶家壠中墩晚田租五石七斗五升

崇聖殿田乾隆十五年邑舉人蔡尚才偕弟貢生鴻才於

十年同捐創崇聖殿尊經閣復捐貲同置縣市北關外田租二十五石以備久遠修葺戶名蔡崇尊建倉厥於殿之頭門右輔每歲納稅徵租躬為料理呈縣給發鈐縫印簿出入存留按簿可稽絕旁侵節浮費將饒餘所積凡修葺一切取之裕如嗣於乾隆二十九年具呈移儒學管理存立案據知縣余潮記奉新縣學官明倫堂左有崇聖殿祀五王配從如禮後傑閣藏貯

欽頒經籍榜曰尊經規模闕敞垣墉緻密煌煌翼翼整肅尚麗視他郡邑制度特備乙丑歲邑孝廉蔡君尚才偕同懷弟明經鴻才捐貲四千餘金所鼎建也閱五年余奉命宰斯邑下車謁廟捫麗牲碑石讀之前侯陳君景仁記其事甚悉明年春蔡君更置附城映田二十畝歲收其租為修葺費例得關白有司夫崇聖殿前代未有也肇自

世宗憲皇帝御極之初詔追封孔子五代王號所在立祠有司春秋釋奠始尊經閣前代

亦未有也肇自今天子命儒臣修輯經史性理諸書頒諸黌序始蔡君昆季能起肩其任良足多也蔡君積學修行翛然特立歲已酉應聘吾省分校闈事予邑人劉傳敦龍思騰出其門下為予言蔡君品甚高道貌岸然淵淵淳淳叩之莫測其藏予心企久之以不獲捧袂為恨茲適來蔡君里思晉接有日矣顧閱半載履聲闐寂詢諸鄉先生益悉蔡君樂善自高敦修家政遠塵市謁長吏若免兼述其居鄉善行娓娓勿倦尤輕仕宦任玉山學博輒棄去榜期徵選復不就深山著述哀集是娛蔡君之品誠高傳敦輩真不我欺也庚午暮春予方有事於邑乘應聘纂修諸君子交推蔡君昆季予折簡專迓始一至宰庭言論風裁樸誠體摯相得恨晚於是分任志局炳炳琅琅遂成巨觀蔡君為予來人謂空谷足音云蔡君非好名者方其初竣是役前侯陳君將白當軸以其事聞於朝援例請叙蔡君既力辭今茲之舉特蔡君緒餘也予故述交誼與其生平梗概而為之記至于田畝租數經理方條別具于簿書茲不書

魁樓田先是邑生員陳坦於雍正十二年捐創魁樓十餘

年內遞加修飾如新後病革囑其子監生鍾競生員鍾姓捐田備修為久遠計乾隆十五年競姓承父遺命捐置建康鄉田租二十石零七斗戶名陳鼎魁倉廩與蔡倉並建於崇聖殿之頭門今查兩處倉廩俱廢無存知縣余潮記奉新學宮舊有魁星樓邑明經陳君安世所建也先是明經父容齋嘗有志於斯未及為焉而卒漸終語明經曰汝必成吾志明經唯唯謹受命及明經為樓既成思所以經理之俾永久者未及為而明經卒瀕終語其嗣子曰汝必成吾志嗣子唯唯謹受命於是陳氏之經營是樓蓋三世矣方余之來蒞茲土也祇謁學宮載登是樓慨然慕明經之為人以及見為恨未幾其嗣子國學鍾競諸生鍾姓來謁備述其祖若父所以為是樓者因請割食田十畝零歸諸學宮俾修葺歲有所出庶幾永遠無壞以承其先人之遺命也余聞之肅然起敬曰嗟夫若陳氏之所為是殆可風矣孝子之於親也有命必籍記而佩之及時而早行之其有或遺焉者鮮矣父母歿將為善思貽父母合名必果其有勿亟

焉者鮮矣今陳氏之孝拳於是樓閱三世歷數十年之久其子若孫守其先澤如圖球大訓恭敬奉持而不敢失何其賢也奉新之士際賓興之會祀魁祖席願瞻是樓歷久彌新而知陳氏之祇承先志者如是將孝弟之心油然而生於以革薄俗而返淳風固無難也爰因兩生之請為記其崖略樹之貞石使後之人有所觀感焉樓之規制具前令趙君記今茲不書

文昌魁星土地各神香燈田嘉慶元年監生彭獻琨捐送新興鄉招賓圍鄒家門前及上中下烏老鴉等處田租二十三石另立文光戶歸儒學經管存立案據

附

借字鑪在魁樓前嘉慶二年廩生廖為淞建又捐奉新鄉涂坊及長水里田租十一石四斗邑紳陳鍾吳甘定遷等

捐置奉新鄉費頭涂坊田租十九石五斗

附考文廟歷代崇祀及配享從祀始末

孔子之祀自魯哀公十七年立廟孔子舊宅始漢高帝十二年過魯以太牢祀孔子平帝元年追諡孔子為褒成宣尼公明帝永平二年以周公孔子並祀於郡縣學魏晉六朝或封公或封侯或祭於辟雍唐貞觀初始停周公祀專祀孔子定孔子為先聖顏子為先師令天下立廟四時致祭然武成王廟與文廟東西並峙猶未盡尊崇之義開元二十七年封孔子為文宣王宋大中祥符五年加稱至聖元至大元年加號大成至聖文宣王明洪武二十年罷武成王廟嘉靖九年改文宣王曰至聖先師孔子國朝順治二年加稱大成至聖文宣先師孔子十四年議改諡號為至聖先師孔子通行直省各學其文廟之立儀或十六或二十四則宋建隆二年與政和元年也殿名大成則宋崇寧四年也改大成殿為文廟戟門為文廟門天下學通撤像易木主亦明嘉靖九年也洪武十五年之易木主僅國子監耳自漢迄元皆塑像也加冕旒相圭自宋大中祥符元年始其後徽宗加十二旒服九章執鎮圭金世宗又加六章焉祀孔子以六代之樂則自漢元和二年始也其配享以顏子自魏正始二年始以曾子自唐總章元

年始以孟子自宋元豐元年始以子思從祀自宋大觀二年始以顏會思孟並享自宋咸淳三年始加復聖宗聖述聖亞聖並稱公元至順二年也去公稱子亦明嘉靖九年也以十哲從祀自唐開元八年始也升子張補十哲亦宋咸淳三年也弟子之得自追贈自唐總章元年始封公侯伯則始於唐開元二十七年及宋大中祥符三年咸淳三年也去公侯伯之封止稱先賢先儒亦明嘉靖九年也其從祀自唐以前皆弟子貞觀二十一年增左邱明卜子夏公羊高穀梁赤伏勝高堂生戴聖毛萇孔安國劉向鄭眾杜子春馬融盧植鄭康成服虔賈逵何休王肅王弼杜預范甯二十二人宋元豐六年增荀况楊雄韓愈崇寧二年增王安石淳祐元年黜王安石增周張二程朱五子景定二年增張栻呂祖謙咸淳三年增邵雍司馬光皇慶二年增許衡明洪武二十九年黜楊雄增董仲舒宣德十年增吳澄正統二年增胡安國蔡沈真德秀八年增楊時宏治八年黜吳澄嘉靖九年黜公伯寮秦冉顏何申棖荀况戴聖劉向賈逵馬融何休王肅王弼杜預十三人改祀蘧瑗林放鄭康成鄭眾盧植服虔范甯七人於其鄉增后蒼王通歐陽修胡瑗陸九淵隆慶九年增薛瑄萬曆十二年增王守仁陳獻章胡居仁四十二年增羅從彥李侗

國朝康熙五十一年升朱子於東哲末位五十四年增范仲淹雍正二年復蘧瑗林放秦冉顏何鄭康成范甯六人增縣置牧皮樂正克公都子萬章公孫丑諸葛亮尹淳魏了翁黃幹陳淳何基王柏趙復金履祥許謙陳皓羅欽順蔡清陸隴其二十人乾隆三年升有子於東哲末位改朱子於西哲末位復吳澄祀由邑尚書甘汝來請也道光二年增劉宗周湯斌
 聖父叔梁公宋封公元封王明嘉靖九年合天下學校通建啟聖祠以顏無繇曾點孔鯉孟孫激配享宋周輔成程珦朱松蔡元定從祀
 國朝雍正元年加封先聖五代為王改稱崇聖祠二年以張迪從祀至儒學之得建先賢祠左祀賢牧右祀鄉賢春秋附祭則自洪武元年始後令分祀改稱名宦鄉賢祠則成化中特典也其文廟祭期之定於春秋二仲自唐開元二十八年始有司薦享自北魏主濬始月朔行香自北齊天保元年始貢士釋褐謁廟自唐開元二十六年始並詳附焉

書院

馮川書院乾隆五年邑職監徐元勳闢學宮西地捐創院

屋三重樓房三十有二饌房四後圯四十八年知縣剛柱

修五十七年知縣趙增捐俸大加修葺嘉慶二十三年署

知縣吳名鳳捐廉重修知縣趙知希記馮川書院在籍州司馬徐君元勳之所創建也其地

舊為射圃寶與學宮毗連而居是固借士子比禮比樂於斯者也明季廢為學倉再廢為便民漕倉每歲徵輸屆期

鄉之民囊載而肩負者趾相錯操量而唱籌者聲相應連月乃已一日徐君肅衣冠陳詞願即其地捐建書院而移

倉於在官閒曠之地於是余令新吳凡七年矣聞之矍然與忻然喜曰有是哉君之為斯請也乃令所時嘖蹙不安

思兩全而未嘗有當者也亟具牒請諸上憲咸報允徐君乃先出已財為諸鄉移倉於南昌分司之廢址詎日庀材飭

工為正堂三間後堂七間兩廊號舍十二間儀門五間頭門坊一間贊以白石繞以崇垣經始於乾隆五年正月告

考新縣志 卷二
竣於本年十一月費白銀三千有奇又慮將來師生廩給更需眾力俟助於是又割已田三十二畝以爲之倡余時偕同僚暨邑之縉紳人士周覽而落成之徐君洵賢矣哉生平祈嚮之端行誼之美於茲並可概見矣諸君曰然遂書以爲之記

書院田乾隆五年邑職監徐元勳捐創書院時呈請各憲報可并諭以延師館士之費遂於工竣日捐置建康鄉田租五十二石以資膏火并備修葺是年知縣趙知希捐買新墾田租十二石合邑紳士公出樂助銀買新安鄉磐山田租九石同安鄉上庄里田租三十一石六斗又七十七石一斗六升邑紳士續買奉新鄉埔馬下首田租十二石新安鄉板下及柏樹下田十一石十二年邑紳士復買老

虎坑田租三石凡樂助銀所買者共租一百四十三石七斗其姓名銀數鐫列石碑五兩以上者別載於後十四年邑監生嚴盛旭捐奉新鄉赤岸園田租十石十五年邑候選中書帥家駒偕弟舉人家駿捐新興鄉張坊田租五十五石六斗邑貢生彭肇祚捐進城鄉羅坊園田租十二石五斗生員余鎔生偕姪貢生光祖承父生員以寬遺命捐田租十四石七斗生員胡藻承父吏員朝宗遺命捐田租十石監生徐讓捐奉化鄉九梓風田租九石一斗職監涂錫盛捐進城鄉楊坊田租八石五斗監生彭智祚捐奉新鄉九梓風田租八石監生鄒煥承父介賓汝作遺命捐建康

鄉田租十二石一斗四升吏員余大茂捐從善鄉田租八石三斗吏員熊汝璉捐北鄉田租二十石介賓陳士瑀捐建康鄉田租十五石二斗介賓喻一璠捐新安鄉田租十四石介賓余學銓捐同安鄉余家坊田租十三石邑耆熊三思捐北鄉羅堽圍田租十八石七斗五升邑耆洪州仰捐北鄉田租九石五斗吏員彭仕妻張氏捐奉化鄉定興村田租十二石五斗以上所捐田租共二百四十六石七斗九升

知縣余湖書院田租記奉新義學創自乾隆五年為邑紳徐元勳之所鼎建並捐田二十二畝為之倡久擱未興歲己巳沈侯均安來攝縣篆慮其湮也括租入之餘積置什器召生徒請進士張君星景主講席始開論讀聲未匝月而余適承乏茲土吏執册啟曰費勿繼矣躊躇久之偶於讀法之餘咨於眾中翰帥君家駒慨然曰

為父母者將取我子弟而教育之家督與有責焉偕其弟孝廉家駿割膏腴二十四畝零計租五十石六斗贊厥休美於是明經彭肇祚等各捐助多寡有差一時競勸志合意孚合前租歲入得二百石有奇除正供及凍修外計可食若干人予因得詳定章程

乾隆二十一年廖開聖捐南湖上塌田租二石五斗三十九年龔灃捐黃湖畔過壠坵田租二石二斗五升四十年洪達捐北鄉田租十石二斗

乾隆年間羅秉祈捐進城鄉藍村外圍田租八石其後裔復捐田租七石四十三年邑紳等添置田租一百八十八石五斗六十年試用訓導廖為淞貢生廖為楹生員廖為槿遵父監生謨遺命捐奉新鄉田租五石五斗貢生彭煥捐法城鄉田租二石五斗職員廖桐川捐同安鄉田租二

十一石生員余丙方捐從善鄉良石堰租田三石五斗知縣

誠添置義學田租記欽惟

國家久道化成文治炳煥近復特頒

上諭於熱河各廳創建義學廣增庠額所以勵士氣而崇教養者至優且渥况江西素為文獻之邦而奉邑猶多瑰偉之彥詩禮相傳甲第濟美良由敬業樂羣淵源有本以故蔚為東南之望此予在都門所耳熟而心慕者也自入境以來兢兢以興學育才為務竊愧懷抱迂疎未能振作邇因督課馮川書院諸生並措置俸薪事宜按籍以稽賦入殊寡雖昔之捐田者亦不乏人而越時既久滄海易觀徵輸莫給向來承辦者皆形拮据計非添置學田無以紹前修而貽後緒范文正家塾巋然落成多士實賴租稅豐美得垂承圖奉多君子知必有抱先憂後樂之志者抗懷追美適有存公田畝實收租一百八十餘石頗為善產估值千金集腋成裘不難購買乃余方捐薄俸不旋踵而舉集雖多寡微有不同而樂善急公之心固無以異也奉邑紳士共學田租三百二石零店租三十二兩八錢今合邑紳士共捐庫平紋銀九百四十餘兩新置田一百三十二畝七分四釐五毫二絲計租一百八十八石五斗共計歲入田

租店租可二百八十餘兩於是膏火有資絃誦益廣匪獨後之踵其事者可免拮据而邑有好善庠序蔚興其仰副我

皇上養士作人之雅化以成就夫後學者豈淺鮮也哉余樂斯事之成恐其久而或替也爰將捐助之姓氏數目並新置田之坐落土名號數畝數悉勒諸石以垂永久雖亦不沒奉邑諸君子襄助之善而望諸生肄業於其中共體成就之至意勵行通經互相鼓舞以底有成者更殷殷然未有已繼謀以善後欲將田租歸入書院公舉紳士董其成以收實益以垂永久計至善也惜予憂去未能詳請是又賴後之諸君子斟酌盡善細定章程庶越時雖久而永無滄海易觀之患也於是乎記

書院新舊田租戶名義學契券存縣房建倉廩於義學內

每歲租穀徵收則委佐貳出納則選在學生徒縣給鈐縫

印簿出入揆注歲終呈縣查核供輸賦稅外掌教館穀生

徒月廩及學中置辦修理諸費咸取給焉外有歸德鄉藍穆遠捐竹山一

處坐落奉化鄉大塌里歲交租銀一兩二錢又有乾隆某
年奉斷官山在進城鄉巴源圍歲收山貨錢一千二百文
奉斷官田在奉化鄉福神塌歲徵租五斗俱付佐貳經管
贍學

書院購書籍田乾隆十五年逸士洪州相捐送藏書山堂

肆考昭明文選唐詩貫珠宋詩鈔各一部又捐建康鄉田

租十五石為歲購書籍之費徵租納稅與義學膏火田同

付佐貳經管知縣余潮記奉新為豫章屬邑由宋以來人
文輩出考宋史胡仲堯闢華林山書院聚書

萬卷廣延四方學者意其流風所被足以振起之耶庚午
之秋余奉

簡命來涖是邑先是縣學西有馮川書院前令沈君均安初經

理之而未備余下車踵而行之賴邑士大夫好義急公捐

輸絡繹一切規制次第咸舉惟是經籍未具方思所以措

理之一日諸生洪子學源來謁因言其父逸士州相願以
其家藏書數部歸之書院並割食田十畝二分以為歲歲
購書之費余聞而憺之生又為余言其尊人好讀書不樂

仕進推財仗義嘗構挹蘭書屋藏書數千卷以訓課其族
人奉新固多高士斯豈仲堯之流亞耶生請予文因牽連
書之以為記

書院店在米倉前乾隆十五年建其收賃贍學並付佐貳

經管知縣余潮記予涖任祇謁文廟隱隱聞吟嘯聲出墻
外詢之則廟右有義學為邑紳徐君元勳所捐建以

相令造土地蓋創之已十年而興之僅匝月也先是趙侯

知希借朱廣文孔陽雅意敷教思欲張大學規而絀於力

嘗設募捐籍置田為開館費隨俱以遷秩去不果行舊夏

沈侯均安以安義二尹來署篆延師校士鏡然以興學為

已任而昔之募捐田歲所徵租已耗沒不可稽稍核其存

者為設几榻給薪膳不轉瞬而告置矣予之涖奉也甫下

車官與民不相習違欲以所難者強人以必從心滋怒焉
顧邑之好義士咸安予之拙若有陰誘其衷者慷慨捐輸
不惜膏腴先後捐置既各詳於籍蔡李兩姓復以米倉前
基地虛曠置店屋歲權其賃以贍學視置田費簡而事便
於是同創磚屋前後四間以為倡而國學徐成業吏員候
選縣丞熊汝璉構其二宋德孫明經鄒應摺生員徐江義

民鄧二庚各構一間以繼之鳩工庀材一時並作始於仲夏訖於孟秋閱三月而昔之虛曠地儼然列肆而居積焉工既竣子願而樂之於其中亦架數椽爲米倉司啟閉蓋不惟義學之取贖有資而倉厥重地亦用以謹防衛也蔡李上鄉宋下鄉俱爲邑望族徐君成業核拓有才局其婦翁彭仕修青雲樓經理擘畫皆出其手趙侯知希稱其敬慎周詳見青雲樓記熊君汝璉勇於爲善老而彌篤族無祖廟捐千餘金創建之又捐葺家乘及修理橋路施棺柳所費無算見方伯公帥念祖序鄒君應指英才煥發而性慈和樂解推嘗過臨江見有以急自溺者盡解囊金與之後因於旅次驚行李以歸無愧色其生平好施類如此見孝廉蔡尚才序徐生江見義必爲克勤盛舉鄧二庚以齊民而屬意造土地均有足多者法當並書

嘉慶二十三年邑紳等稟縣查核已上各鄉所捐田租坐落土名號畝租數至道光元年額定徵租實數併山店賃錢列後平桶早租一百七十五石八斗六升平桶晚租一

百七十一石五斗九升大桶晚租一百五十三石三斗通共早晚大桶平桶租穀五百石零七斗五升又書院店賃錢九十千零四百文山稅錢九百六十文俱付縣收管以贍生徒膏火

岐峰書院在二何書院西道光三年知縣鄒山立捐建並

重修二何先生講堂自爲記鄒山立記岐山之側馮水之濱古木參差修篁掩映中有

數椽顏曰講堂蓋昔賢令二何先生遺跡也其地環山帶河風清景麗城閣如虹逶迤河北奇峰似筆對峙隄南余風塵下吏承乏於茲有年矣每嘗登臨於斯覽其風景人物弔先賢之偉烈以時憩兩碑之旁輒低徊弗忍去欲求神主蓋不可復覩矣夫先賢有盛蹟而棲息不求其安非所以妥靈爽也後起有英才而藏修未得其地非所以廣陶成也予蓄此念久之今得卜吉鳩工因廢址而增崇之仍顏曰二何先生講堂從其舊也卽於其旁新構堂宇院

落發以磚石綠以崇垣橫舍數十間以次而庀凡門廡戶
 瞻甬道階級犁然畢備邑人士捐租以助膏火者絡繹不
 絕於歲盛矣且夫新吳本人材淵藪之地科甲蟬聯甲於
 諸邑而皆自馮川書院毓之第其所定規條諸生額以十
 童生額以二十不免格於成數未能萃一邑之人材而陶
 鑄之也則是書院之建以之補馮川所未逮豈無裨哉顧
 士尤貴自立耳美其材則為王國之植立其志則裕大人
 之道勿以聲華相慕悅則學愈淳勿以酒食相徵逐則功
 愈篤異日者余簿書之暇得與都人士講明而切究之使
 之束身名教爭自濯磨以庶幾三代盛時之人材是則余
 之所為暢然而滿志者也乃所願其不在是乎其不在是
 乎或有告予者曰書院之建累數千金若勸邑人而共輸
 之庶眾擎易舉余曰新吳士大夫勇於義者多矣志乘所
 編已合十三鄉而成之此外自城樓迴瀾壩以迄東嶽廟
 或一人獨建或一姓兩姓合建或二十餘人并力共為好
 義之舉頻矣是役也唯余任之毋再以累邑人也其好事
 者時則公舉鄧子兆椿徐子光旭徐子良淮鄧生敏修
 生作梅廖生養恬張生映南趙生殿甲功於是而告成則
 余事竟余願畢而余之所期望於後賢者為無窮矣邇邑
 之諸君子欲歸美於余合詞亟請上官冀以余名廁二何
 顛末以自記

先生後而顏其額是誠叢余咎而增余汗頰也豈余興復

之心哉唯是二何之額已仍其舊而此書院之名何妨別

取其新因其地近岐峰即以岐峰書院額之云爾遂即其

岐峰書院田道光三年四年貢生鄧觀瀾之子自禧孫監

生林春捐從善鄉流古壩及奉新鄉東邊山等處共田租

五十石職員洪喬齡遵父州同彥濱命捐建康鄉老圍裡

田租四十七石三斗徐廷黻遵父監生兆泰遺命處田租

二十石又南鄉滕家邊田租七石職員鄧兆桂遵父從命

捐法城鄉書院前等處田租二十四石九斗六升平職員

員洪澍舉人必耀監生德謨德謙德言遵祖達命捐北鄉田租十四石又洪澍必耀等遵父定選命捐建康鄉田租八石職員劉世臣遵父見龍命捐奉新鄉早禾塍及法城鄉水露坡田租二十三石二斗監生甘本遷遵父立宣命捐南鄉滕家邊田租八石又奉新鄉從善鄉田租十二石鄧有文遵父贊元命捐奉新鄉洲子上田租十九石優附生鄧繼夔遵父祖隅命捐奉新鄉塔子前等處田租九石二斗五升大又捐新安鄉榮碑田租九石五斗六升平監生陳爲鵬童生陳茵捐從善鄉流古壠等處早租一十五石監生張巨川遵父秦爵命捐建康鄉余家坊等處田租十五

石監生熊履泰等捐奉新鄉鄭坑口及新安鄉曲湖田租十六石職員廖爲軫同姪孫守樾遵父斯亮命捐新興鄉橫江里等處田租一十一石八斗大熊承壽捐縣市鄉田租一十五石五斗監生余文淑捐建康鄉余家坊等處田租六石監生陳盛林捐同安鄉郭家壠等處田租十二石鄉飲胡訓祿遵父秀榮母鄒氏命捐奉新鄉田租十三石三斗五升甘阿趙同孫本烈捐奉新鄉太婆坵等處田租十石二斗五升監生周雲瑞遵父成章命捐奉新鄉黃城田租十二石二斗監生徐日詢遵父國拔命捐新安鄉羅埠田租十二石武生呂美珂遵祖敘倫命捐新安鄉礪溪

田租十一石貢生鄧兆鰲捐奉新鄉官村田租十石五斗

職員劉七德遵祖三虎命捐奉新鄉大畝里等處田租九石監

生鄧裕捐建康鄉青湖等處田租十二石廩生賴作楫遵

父日瑜命捐奉新鄉洲子上田租九石七斗二升徐阿鄧

遵姑宋氏命捐奉新鄉杉山里田租十石李恆修遵父命

捐法城鄉土名答蘿坵上分晚租九石平童生李如煥遵

父詠春命捐鄉田租十石方譜孫捐奉新鄉上雄馬田租

十二石職員鄒經元捐建康鄉青湖田租四石又法城鄉

駱家堰田租三石四斗熊以仁遵父魁士命捐奉新鄉烏

龜壠田租八石七斗五升監生帥廷政等遵父旂命捐南

鄉西湖中堰田租八石五斗監生詹光麟捐法城鄉田租

八石五斗生員許映奎遵父益齋命捐奉新鄉洲子上田

租八石六斗趙河清遵父逢源命捐新興鄉張坊早晚租

八石九斗大職員舒展綸遵父德和命捐建康鄉板橋田

租六石封職熊鳴臯捐奉新鄉河泉塘田四畝七分職員

賴作新遵父日珍命捐奉新鄉石埠里田租七石職員章

士信捐奉新鄉楓樹壠田租七石平生員謹芬遵父廷英

命捐奉新鄉場冲田租七石五斗一升監生李春華遵父

仕冕命捐奉新鄉方坑里田租七石監生韓金誥遵父立

權命捐奉新鄉火田園田租五石遵叔立樟命捐奉新鄉

火田圍田租四石四斗韓敬愛堂捐奉新鄉火田圍田租
七石李崇敬堂捐奉新鄉火田圍田租七石一斗貢生周
道捐奉新鄉田租七石八斗謙慶孚遵父佩德命捐北鄉
藕塘里田租八石甘本烈遵父立道命捐法城鄉車吟田
租四石五斗又遵母王氏命捐法城鄉車吟田租五石二
斗五升又遵伯立達命捐法城鄉車吟田租四石五斗監
生查德樹遵祖命捐法城鄉田租七石封職李坤文捐南
關外土名上巷田租七石八斗職員鍾應材捐南關外土
名上巷田租七石四斗陳鍾廷陳金生捐建康鄉周家門
前田租六石五斗監生廖廷輝童生廖基昀遵父武舉人

守昌命捐同安鄉及奉新鄉田租六石監生廖昺祥遵父
七灝命捐奉新鄉葛畝里等處田租六石九斗監生廖日
華捐奉新鄉洲子上田租六石四斗劉煥彩遵父定祖命
捐法城鄉張仙坑田租六石二斗五升劉開賢遵父定光
命捐法城鄉富家嘴田租五石二斗五升職員羅克珊遵
祖繼鄴父星曜命捐進城鄉東港橋田租六石封職黎佐翰
捐南關外上巷田租五石八斗封職張瑞祥捐南關外上
巷田租六石生員劉有琦同姪鉞遵父燁命捐法城鄉田
租六石吳院柏捐建康鄉閔家坊田租五石二斗職員賴
作楷遵父日瑞命捐巷口里易家壠田租五石張崙遵父

命捐建康鄉余家坊田租二石四斗又捐同安鄉葉家壠田租二石六斗生員廖熊飛遵父麟書命捐同安鄉田租五石五斗生員趙升華遵父士典命捐奉新鄉箬溪田租五石一斗五升監生李炳文遵父廷華命捐奉新鄉火田園田租六石二斗五升甘本義本禮遵父立珏命捐南鄉鐵沙崗田租五石王槐廷遵父惠治命捐奉新鄉下龍田租五石帥宏禮捐巷口里田租四石生員張星臨遵母周氏命捐建康鄉屋場里田租四石六斗監生鄒揚昌捐同安鄉後寸坑田租四石李榮遵父孔瑞命捐奉新鄉塔埔李下港田租四石二斗五升帥學恩遵父楠命捐奉新鄉田租

四石監生賴作哲遵父日珊命捐奉新鄉洲子上田租四石五斗譔文蔚遵伯芳命捐奉新鄉簇岡園田租四石四斗藍敬睦堂捐奉新鄉火田園田租四石二斗八升監生廖景雲遵父逢源命捐奉新鄉赤墘里田租四石張阿涂遵夫錫海命捐新興鄉青樹田租四石大州同吳錫福捐南關外土名上巷黃家園田租四石二斗封職藍如玉捐南關外上巷田租四石童生羅允益遵父克岱命捐進城鄉田租四石一斗大職員羅興箏捐進城鄉田租三石九斗大職員徐良淮捐奉新鄉塔冲田租三石監生徐良柱遵父道御命捐奉新鄉塔冲田租三石劉炳蘭遵祖斯榮

命捐奉新鄉社尾坑田租三石劉懋和遵父

監生

命捐奉

新鄉大楊坵田租三石生員譚芬遵祖朝棟命捐奉新鄉

塌冲簇岡圍田租二石九斗生員高翔仍遵曾祖克受命

捐北鄉義坊田租三石五斗廖守紱遵父世瑛命捐北鄉

十字路田租三石張金聲捐同安鄉占家貼田租一石二

斗藍日莊捐奉新鄉火田圍田租二石七斗生員徐日謀

遵祖季成命捐新安鄉羅埠田租一石五斗甘阿趙代母

廖氏捐法城鄉茶頭田租三石八斗五升生員甘立銘遵

母楊氏命捐法城鄉下溪田租二石五斗廖爲楷捐新興

鄉田租二石二斗五升大監生曹琮圍捐祖文隆置買南

鄉泉井坵田租二石程其泗捐同安鄉圳口里田租三石

歸德鄉衆捐奉新鄉温家邊等處田租三十石閔昭紱捐

奉新鄉湖鄉馬尾腦田租十五石陳聲泰遵父紀珠命捐

奉新鄉樟樹下等處田租三石二斗五升監生廖贊襄遵

父貢生樹勳命捐建康鄉橋南圍田租九石又遵母舒氏

命捐建康鄉橋南圍田租五石監生廖松齡遵父貢生焜

母鄧氏命捐新安鄉棗木橋及建康鄉烏藍里田租十三

石二斗五升包敏齋捐法城鄉熊姓廟前下首田租三石

黃聖兆捐法城鄉泥湖里田租四石包技軒捐法城鄉港

子背及熊姓門前田租五石韓韞沐捐法城鄉熊姓廟前

田租四石五斗劉阿帥捐法城鄉嚴公坑田租六石二斗
 五升宋岐華遵父光普命捐奉新鄉望亭坵田租五石監
 生鄧勳遵父清傑命捐南鄉章家坊鵝頸裏等處田租四
 石職員萬經建遵父沐芙命捐同安鄉懋榔橋店前張家
 坵山背及門前等處田租四石李天爵遵父乾文命捐新
 興鄉黃絲坑及釧山坵田租二十一石五斗監生劉成柱
 遵父州同劉學煜命捐法城鄉蠡林橋田租九石六斗大
 徐奏鏞遵祖監生錫銘遺命捐送奉新鄉族崗頭黃畔等
 處晚租十壹石二斗五升

社學成化七年知縣謝煥始建社學正廳三間門樓一座
 在縣西昭德觀之左射圃之右後廢嘉靖間知縣陳仲錄
 復創二所一在上坊顏曰崇正社學一在下坊顏曰崇德
 社學今皆廢下坊社學在府館之前基址尚存上坊者失
 其地舊志載社學六所今皆不可考

梧桐書院在進城鄉羅坊鎮南唐時中庸誠明兩羅先生
 講學之所多梧桐故名

徐應雲記進城距新吳再舍有峰
 嵯峨而特秀者梧桐山也有溪環

抱而映帶者馮水之流也山水相會意必有隱君子居其
 間按圖誌則知五季時有中庸誠明二先生姓羅氏仁節
 仁儉其名也先生兄弟築精舍於山之陽以義理之學授
 其徒李氏有江南國相郡守知其名辟召莫能致獨以徐
 鉉為知己者著書十四卷號宗孟集沒世肥遯士論高之
 墓在龍泉之地宋興二百載謝良齋攝邑始揭其石於墓

以示民精舍旁有祠有碑歷兵火廢為墟書亦遂無傳焉
 惟其裔蕃衍至今有伯虎者尊祖以善其族因舊基築書
 院扁以梧峰閣以奉之所以私淑於後人者遠矣歲嘉熙
 庚子與士友會文於廡明年請余記故敘載其本末系之
 詞俾歌以祀先生詞曰棲碧梧兮朝陽若有人兮霞裾月
 裳馮水駛兮泱泱若有人兮邁風而杭蕙有馥兮蘭芳奠
 桂酒兮椒漿企潛直兮心莫忘凱雲馭兮徜徉惠我後人
 兮世其昌山水無盡兮先生不亡

華林書院在華林山宋史雍熙中邑人胡仲堯構學舍於

華林別墅萃書萬卷大設廚廩以延四方遊學之士即其

地也徐鉉記士君子承先世之澤服聖賢之教修身治心
 行之本也睦親敦倫孝之大也化民成俗仁之至也

豫章屬邑華林世家山水特秀英靈所鍾國博仲堯積功
 累德儒者共推寺丞仲容抗疏獻規天子所籍文學蟬聯
 簪纓奕葉一科五第天開列宿之文七世同居星聚少微
 之曜至我先公尤精左氏惟君兄弟棗在同盟言斯出矣
 身則行之孝友嫻睦之行周旋揖遜之儀內修於閭閻外
 達於里閭賢士大夫向其風哲人君子論其世近古以來

未之有也又思上古之隆何由馴致詎以六經之學可以

化成迺即華林之陽獨開元秀之聖祖孫一德洙泗同風

傳經者已數代肄業者常千人神存昭曠之原目寓清虛

之境青山擁翠綠樹浮青飛瀑散讀書之聲虛亭動人文

之色何誇二酉之藏富在穴中不數三花之盛秘之石室

也按圖經李八百陶安公皆修真此山足知人境相忘靈

光有待天之所開良不偶爾豈直豫章之間氣概以占皇

宋之文運矣鉉與弟欽義在通家心同仰止瞻依萬里聊述

片言嗚呼御札賜書日星並曜宸章聖藻金石同輝期有

光於前人無望於奕世為胡氏之後者庶幾勉之時名

待制虛已冀公常發跡其地不十年遂參大政楊億題
 華林書院詩聞說華林院名將闕里偕生徒似東晉書籍
 勝西齋俎豆儒風盛瑱篋樂韻諧門閭雙桂茂編秩九流
 排講學華紗幕題詩掛粉牌荀陳傳舊族游夏結同儕紅
 實洲生橘清陰世種槐夜蟬穿戶牖晴瀑渴巖崖遠客來
 千里新思出兩階橫經定何日憑此寄幽懷張齊賢前
 題一百年來烟爨同衣冠江左慕家風兒孫歌舞詩書內
 鄉黨優游禮讓中孝弟筠編爭紀錄門閭天語賜褒崇莫
 將六關方朱氏葉葉蒸嘗奉始終陳堯叟前題旌關書

亭煥水鄉四時烟景似滄浪玉燦寒色連莎砌金障秋陰
 覆草堂田里雍容應遜畔兒孫遊戲亦成行吾君孝理風
 天下誰識謳歌綴樂章王禹偁前題水閣山齋架碧虛
 亭亭華表映門闕力田歲取千箱稻好事家藏萬卷書旋
 對杯盤燒野筍別開池沼養溪魚吾生未有林泉計空愧
 妨賢臥直廬晏殊前題西齋輝赫巨山隅嘉致清風世
 莫如鄉黨名流依絳帳烟蘿幽境是仙居趨庭子弟皆攀
 桂彈鋏賓朋總食魚汗簡傳經亞鄒魯粉牌留詠盡嚴徐
 杯盤互進先生餽門巷應多長者車墳籍豈惟精四部絃
 歌常見習三餘玳簪朱履延豪士縵帙牙籤列賜書碧沼
 莫涼浮菡萏紗窻秋靜漏蟾蜍閉庭瀟灑移泉石華表崢
 嶸冠里閨我恨羈遊在芸閣不陪諸彥曳長裾錢若水
 前題居近華林對白雲義風深可羨人倫兒孫盡得詩書
 力門巷偏多車馬塵樓上落霞沾筆硯池邊怪石間松筠
 鄉間豈獨民趨善階砌無關鳥亦馴朱實垂庭紅橘熟清
 香襲坐葑畦春他年好卜為隣住悔葺吾廬洛水濱

三賢書院在北門外寶雲寺西宋周敦頤為分寧簿蘇軾
 省其弟於筠州黃庭堅又分寧人三賢嘗至此至元間邑

人鄧謙亨建祠歐陽元記今廢

歐陽元三賢書院記洪之
 奉新三賢書院者春陵周

元公眉山蘇文忠公修川黃文節公之祠也邑庠舊祠三
 賢以元公嘗仕修川黃文節公實修川人蘇文忠公南行
 弟文定公謫官筠州因省其弟過洪州之筠奉新為邑有
 三賢之轍迹焉故邑人慕而祠之孔子之宮更兵祠廢世
 儒鄧謙亨久欲復未暇後至元五年己卯有旨禁民為逆
 社其祠宇聽民請佃為業有堂名種德者適邇鄧氏居謙
 亨與伯子杞謀遂入辭於官請為三賢書院有司許之乃
 撤故益新加以補葺中為先聖燕居別室為三賢祠一如
 他書院制既而講授肄習悉循其規於是割田若干歲入
 得粟數百石以脩聖賢饗祀師生廩膳之資他日其季子
 梓宰邑安化道湖上將父兄命具書院巖末謁元為之記
 元嘗竊考周元公道德之盛其出處正當汴宋承平之秋
 君子衆多之日當世諸賢搢紳士惟呂正獻趙清獻二公
 相知文學蘇文忠黃文節深企仰文節稱公光風霽月人
 品甚高新安朱文公每服其知言文忠作濂溪詩有曰先
 生豈我輩造物乃其徒此非深喻太極通書之旨能為是
 言哉然蘇公之識之卓能知尊周子之學而不能知程子
 之賢黃太史之詞章足以極周子之形容其行義乃不足

以獲富韓公之識鑑孟子所謂智之於賢者命也蓋蘇黃之知周子即孟氏所謂性賦慶曆元祐諸公之罕接於濂溪眉山之不偶於洛學修川之不見察於彥國豈非命歟二賢生平起敬周子之心一日著於文墨議論之間詎知百歲同堂之祠實張本於斯焉是亦孟子之所謂命者歟元固願士之來游來歌於是者屬其希賢之志勿諉於命務究所知謂性不謂命焉前修遠乎哉元之記庶幾可為諸士友進修之一助云

四賢書院在東門外明萬厯知縣馮挺遷三賢書院於此

增祀楊誠齋額曰四賢書院自為記順治間知縣胡以温

重修 馮挺四賢書院記奉新舊有三賢書院在寶雲寺西

實始宋李令兼以周濂溪蘇東坡黃山谷三先生嘗過化焉而祠之宇宮至元邑人鄧謙亨始創為書院嗣是興圯不常馮子初下車則思改之顧事未易就逾五年會改建廣仁倉於縣衙門內而舊倉儀門左尚餘隙地前有池栽蓮莖莖足當濂溪之愛木梁其上屬之門而田晴望青黃錯繡陶仙嶺遙拱半舍外若橫玉几稱奧區遂建廳三楹翼以耳房以正三賢之位既思邑祀三賢徒

以濂溪簿分寧山谷居分寧東坡訪子由於筠州皆取道奉新一時逆旅無居官得民之實而宋之賢令其以居官得民顯者無如楊誠齋先生而先生之道德節義文章亦足以方駕三賢而無愧三賢有書院而誠齋無專祠僅以名宦類祠學宮得乎若賓三賢而配以誠齋之賢主人於禮為適遂扁其門曰四賢書院而舊倉則專儲常平社倉穀為識其門曰書社會以從所重焉夫理學大明無如宋室而尤無如濂溪先生之純粹以精若太極之圖主靜立人極易通之誠無為幾善惡皆喚醒羣迷自我作祖山谷嘗稱其胸中灑落如光風霽月朱子以為善形容有道者氣象而誠齋之易傳大有與圖書相發明則祀三賢於一堂其氣味必有合也獨濂溪之學惟二程夫子得其宗而東坡立朝至與伊川先生忿爭同堂而祀母乃不可乎詎知歌哭不同日之解失不盡在東坡特出言太峻似少含蓄至於分曹立黨即不盡出伊川獨不能訓其徒呂陶等而使之以公義取容乎嘗怪以荆公之執拗而未嘗不屈服於明道先生之一言以東坡之爽豁而伊川先生與之分黨則其不及家兄者恐不徒在寺中閒步間也而况東坡雄文高節即不歸依理學而自足與起後人乎是故去奴死不同事清任和不同道而孔孟則同仁之又何疑於

周蘇二先生之同祀也嗟乎聚族而居錯履而處以彼問彼猶有不知分寧之黃猶曰同郡吉州之楊猶曰同省若周蘇產自蜀楚越數千里外傳舍遽廬何親之有而宗其名氏尸祝至今則一天契合便屬神交千古非遐宛如面命後之官斯土與與斯土而過焉者亦尚味於斯文

九賢書院卽四賢書院因本邑舊祀周吳忠節祠及沈令

尹高令尹二祠俱廢毀遂移周忠愍吳廉訪暨沈高二木

主於其內順治間增祀名宦廖擇額名九賢書院知縣萬

物育記雍正十一年知縣趙知希諭令廖擇後裔重修

育九賢書院記余辛壬通籍甲午冬杪捧檄來牧新吳甫下車睹縣署之西清川映玉輿梁偃虹詢之父老云斯橋也宋元祐間大令廖從善公所建公宰是邑課農勸穡憫民病涉捐俸成梁內遷士民攀轅留季子家焉余仰止久之獻歲仲春詣東郊修祀事敬瞻周蘇黃楊高沈吳周諸君子式靈其上訪諸師儒始知李兼祀三賢於學舍元邑

人鄧謙亨創三賢書院於寶雲寺西明萬曆戊戌邑宰慈谿馮君因社倉門左隙地改建以宋令楊誠齋有居官得民之實而道德文章事功節義可匹三賢而無愧故增三

本

朝順治庚寅燕然胡君雅志懷古查迤北有祠台祀宋高

如山沈鳳翮二令尹蓋高祈雨救荒願以身代而沈則捐

稅辯獄人不能諉社倉右側祀明周忠愍吳廉訪鞠躬盡

瘁遇害皆道德文章事功節義之可表見者祠廢乃於四

賢書院彙祀八賢於一堂仍配以孝烈周子幹義士何子

冲霄稱斃舉焉丙申春月廖裔明經雲衿士交苗有永其

始祖宋名宦令尹諱擇合祀余頌議於學宮學博湯君善

卿程君虞臣旁搜志籍博稽公論咸稱廖令愛民建梁本

於道德文章節義事功質之諸賢不多讓宜進公同饗以

報盛德余稽先生膺登甲第服官宣德學問淵源直升春

陵之堂中立無回護與元祐眾正彙征眉山玉局樂得同

道修川繡錯咫尺元亭輪蹄所經賦詩贈縞若高若楊若

沈皆繼續緒符共洩斯土流風善政不謀而合致身敬事

成仁取義心源若揭以俟吳周不較若畫一乎嗟乎書院

之增三而四也馮君爲誠齋千秋知已四賢之合祀而八

庚令而九也敢以知己興起為已任亦於廖令而私心嚮
 往起九賢而親炙之乎敬顏其額為九賢書院况四賢之
 建經始於萬厯戊戌之秋而九賢之改踵事於
 皇上戊戌之秋馮君釋褐之年又與余符歲時遇會科名接武
 母亦天時地靈人文嘿為引掖而輻輳者耶余讀禮解組
 廖氏諸子請子勒石余嘉乃祖德且美其繼序不忘走筆
 為文鞏固貞珉尹德嘉重修九賢書院記乾隆三十三年
 余奉

命綰符奉邑甫入境書吏進邑乘一冊得覽邑之風土人情與
 夫前後居官治蹟而藝文騰聲蜚實揚葩振采九賢書院
 記中滌斯土者四已心竊嚮往迨謁文廟名宦祠廖從善
 先生尊居首席厯通化橋攷吳公彥宏記又知廖氏遍居
 鄉市者皆其後裔故橋屢損而屢修既蕃且賢想當年之
 惠澤及人概可知矣時修祀事登改建九賢堂于拱凌雲
 重簷架雨宏深亢爽墻垣固匠心行於事先物境運乎
 度內蓋國學生廖遠以始祖榮膺祀典捐金首倡勸以族
 中公會益以族眾樂助志同意孚誠一姓之盛舉也辛卯
 春復登斯堂工尚未就遂進廖氏諸子而論之象賢濟美
 即諸賢且歆茲愛戴占大壯而咏斯千者豈任其終鮮惟
 相期於勿懈咸樂余言迺有先生裔孫希仁暨世後慨然

復捐多金成茲盛舉余已另立碑文頌揚其美然則國
 謀始其功百倍於會中公物諸裔樂助舉重或可遺輕而
 始終其事者必欲並表而出之揆其公普為懷藹然可挹
 所以能勝斯任而無難夫君子內有以得諸已外有以與
 人同其好乃為先王之道不必奇行異迹震驚耳目先生
 仕於宋元祐間去今已久余每登斯堂莫不低徊俯仰無
 所為而為莫之致而致雖遠彌親無他同其好也即其留
 季子以慰與情纏綿莫解衡岳馮川久忘遠邇以視朱邑
 桐鄉更不可同年而語宜夫後人遞傳詩禮奕世簪纓福
 善餘慶不其然歟昔馮公居方改三賢為四賢祠記云周
 濂溪蘇東坡黃山谷三賢為賓而增楊公誠齋為東道主
 位置當矣詎知先生子姓改建祠宇壯其規模隆其簠簋
 就其尊祖之心釋其契合之誼揚公且主易為賓我知從
 善先生樂得誦孔北海座上客常滿尊中酒不空之句也
 今廖氏諸子詳述改建始末請予詞勒石予亦不事鍊句
 琢辭惟節取九賢書院記中嘉乃祖德且美其繼序不忘
 云爾至先生之道德文章節義事功本記已詳不贅

帶經堂在縣郭外宋直學士余曠建一名龍洲書院高安

幸元龍記

二何先生書院在馮水之南爲縣令何嘉祐何縉同建詳見岐峰書院

吟溪書屋在縣西三十里明邑人陰鏗建

黃載詩吟溪溪上起書樓最愛

高人隱趣幽勤學嘗開羣玉府樂遊不典萬金裘物華秋色芙蓉水詩思春風杜若洲勿謂考槃終弗告少微先動帝王州

皖江陳先生書院在馮川橋之南爲邑令陳廷樞建

西峯塢草堂在縣西五十里頭陀山之右

東甌講堂在縣治馮水之北爲縣令胡以濕建胡號東甌值順治戊子之變能保土全衆暇則招致士子飲酒賦詩

邑人懷其德因建堂以誌不忘久廢邑人卽遺址前創店

二間收租葺馮川橋祀公於後

董侯書院在從善鄉顧溪便民倉後祀知縣董宏毅詳便

民倉鄒玉壘記

乾隆六年邑紳樂助至十二年復置馮川書院田租一百

四十三石七斗樂助姓名

羅興錦監生 張庭蘭鄉耆 俱助銀三十兩 羅克晨 羅克綿 嚴

盛旭 劉侃以上監生 彭仕吏員 俱助銀二十兩 徐應廷 蔡鴻

才以上貢生 蔡濟才生員 羅克畧 羅夏集 羅集 羅虞集

以上監生 嚴克相介賓 王奕傳鄉耆 胡仲藩 支下俱助銀十兩 徐應廷貢生

曾逢監生 俱助銀八兩 蔡用貢生 助銀八兩 甘禾主事 彭涵

府同知 趙開元縣知 蔡尙才舉人 陳坦貢生 羅克聰生員 羅洪謨

劉秉海 李瀚 吳成健 羅珊 嚴盛祺 蔡若

楷 蔡秉寬以上監生 宋七智鄉飲 俱助銀五兩

乾隆四十三年邑紳又添置馮川書院田租一百八十八

石五斗樂助姓名

胡 鵬 助銀五 張懋誠 助銀四 徐曰是 助銀二 鄧氏祠

熊 才 甘遐齡 俱助銀二十兩 喻元達 廖 廉 助銀十 鄒

王藻 鄒玉泰 熊家光 熊東海 余有仁 喻元發

喻元璋 喻林璋 徐曰晨 徐曰昶 熊汝誠 鄒岐

昌 甘學詠 嚴遇洪 彭作梅 陳宏軒 廖繩菴公

支 廖 溱 王 勳 徐氏祠 廖學梁 俱助銀十兩 金光

斗 鄒文畧 鄒 華 劉學燿 甘定廷 陳達可

陰五絢 俱助銀八兩 汪清章 鄒 錦 涂錫盛 熊鎮定 俱助

銀六兩 熊三坦 洪達 汪瀚 汪公祥 胡拔元

涂錫禧 蔡漑 蔡奏功 蔡建章 蔡承基 蔡以

文 嚴廷詠 嚴亮 廖淡菴 陳鳳游 鄧從

嚴秉衡 嚴毓德 嚴秩 嚴調燮 熊榮恩 陳鳳

國 王克治 嚴欽 廖世俊 俱助銀歸德鄉 助銀五十八兩

試院

試院在縣治西 文昌祠後嘉慶九年邑人捐建 教諭郭

皇上御極之六年以文昌神聰明正直扶正教闢邪說有功於

世甚大令直省郡州縣建宮殿以崇體制以秩禮祀海內

翁從而奉邑艱於公費踟躕有待先是邑試童子惟在縣

署偏仄擁擠且自攜坐具士常苦之謀建試棚者屢矣以

工費甚鉅亦踟躕有待時子泰鐸茲土皇然曰是皆與學

校者之責也乃於甲子仲春集邑人士議之僉謀惟允爰

相城西昭德觀隙地為宮殿基撤舊圮羽流所祀各祠宇

為試棚基猶未足炫南徐公倡捐祖仁菴所遺觀後與其

乃徐公誌慨然撤其巨肆捐其地為前門基畝出百餘金

康南北四鄉建文昌宮並建官廳於試棚之中法城南建賢

先代毀縣市廖公濟翔建官廳於試棚之中法城南建賢

育才二坊由二坊入為試棚八日離棚從善周公潮海岳

姓建日兌棚進城嚴公秋圖建日離棚從善周公潮海岳

公訥齋建曰震棚法城涂公勉齋進城羅公晴峰建曰巽棚縣市鄧公慎菴建奉化鄉建坎棚法城鄉建艮棚而各鄉之絡繹捐輸者自百金至數十金一二金不等則以其材移建舊圯羽流所祀諸廟及好義祠一環試棚南北至宮殿左右連延百十丈爨以白石繚以崇垣宮之南構洞門三門之外豎照牆一砥石鋪墁施列行馬皆各鄉輸金費也役始於甲子七月閱丙寅工竣共費白銀一萬七千有奇邑諸君子謁予曰是役待先生而成尚望先生垂以一言予曰諸君子此舉固非微福於神為科甲赫奕計也蓋好善之誠自勃然難遏耳昔文文山記龍泉梓潼祠有云為臣止忠為子止孝此其內心固油然不自己而况高山仰止明神在前則其戒謹恐懼功力當倍是役也余恆佩誦之竊謂於此舉尤有合焉嗣自今邑士試於此者安棟宇之軒敞凜神明之質臨文行交修夙夜匪懈庶幾處為良士出為良臣可無負

朝廷崇祀設教之意而亦予與諸君子共黽勉勸成茲役之志也夫諸君子以為然遂書於石至諸君子倡督是役誠勇於義舉矣各泐芳名以冠碑巔不贅

好義祠在試院右側祀宋胡侂同各姓諸公按嘉慶九年闢邑修建文昌宮

及試院入棚費以鉅萬計公議捐銀百兩以上者建祠設主以旌其義邑人士踴躍樂輸尅期告厥維時好義者眾凡子孫出資歸美於先人者居多故木主所載之名不一然亦有闕祠及各祭會公捐而不願入主者有子孫捐輸體先世讓德而未入主者並有本人好義因已入碑刻而不願入主者若不為登載恐沒其好善之誠若第載現在姓名又未免偏枯之議故列其居首使入是祠者遍瞻姓氏亦可為將來慕義急公者勸

鄉試店二間在南關內乾隆十五年鄉約龔懋寬捐置又

捐銀四十兩付典取息又捐南關外靈海祠上巷隔壁基

地一塊按此地舊志遺今補入每歲店賃及息銀收存為三年大比

祀魁薦舉科生卷價費知縣余潮記北斗魁四星為璇璣

為天之六府斟量元氣則象北斗明文命敷於四海則法文昌蓋文昌有司命司中司祿之號而北斗實七政之樞機陰陽之本源也奉邑學宮之有魁樓其建置既可考矣往者歲際賓興輒以文誄於魁祭餘張席為科生餞且各

致試卷紙筆資以壯其行色此軌不知始於何年前之令
 茲土者以為美蹟皆捐俸供費弗之吝予庚午亦踵行之
 北鄉鄉約龔懋寬者一日呈牒曰侯廉人有額而捐款滋
 繁是役也某願任於是割所置店屋二間歲積賃錢又出
 白金四十兩付典取息為祀魁起送科生紙筆卷價費予
 詰之日意誠善果何所擇而及此復曰非有所擇也秋日
 見兒子廷樞與斯典以為榮歸述為羣從諸孫勸且感賢
 侯造士之雅意而大慮後此之莫或繼也一念偶觸率意
 是舉噫可嘉也已懋寬年七十餘樸質愿謹予因可其請
 并記其事或曰懋寬孝親收族卹患賑饑修橋梁濬港圳
 率先供上排釋私紛其善道光年間取出存典本息銀兩
 行可稱道蓋不止乎是

置買法城鄉下墩田租七石文契存縣署道光二年職員
 廖為軫捐送南門外馮田田租八石進城鄉陰鐘裔捐送
 雷家邊田租二石大三年生員劉校書職員劉閣書童生
 懋和捐送同安鄉石墳前下首土地樹下田租六石故縣

徐有達捐送新興鄉棋盤洲高地上湖子上田租肆石契
 存學署均歸入祀魁等項應用

鄉試田乾隆五十一年法城鄉原任浙江温州府同知涂
 錫盛捐田租二百三石五斗為闔縣應鄉試卷費戶名涂
 鄉科歸學經管建倉廩二間在東廡之北房

府縣試田嘉慶十二年新興鄉眾置買本鄉及法城鄉田
 租八十石五斗五升平為縣試文章正場卷費道光二年
 職員陳世瑜監生陳世珂承祖為溥父盛任之命捐法城
 鄉下陂等處九八桶田租二百三十石為縣試招覆至末
 覆及府試正場卷費

道光三年武舉甘孔椿妻趙氏同孫本烈捐法城鄉茶溪等處九八桶早晚租穀五十二石六斗為闔邑武生鄉試盤費卷貲戶名甘鄉科又捐法城鄉茶溪等處九八桶早晚田租三十石零一斗為闔邑武童縣試正考及覆試卷貲戶名甘試卷

附南昌府學修建諸義舉乾隆五十六年經邑人羅允叔等倡議勸捐重新南昌府學入屬各有捐建公所奉新所建者為多彙載於後詳見巡撫阮元記

文昌宮從善鄉岳廷堅捐建

魁樓進城鄉羅冕捐建

尊經閣從善鄉熊守謙余綸凌章信劉德祠捐建

聖學心傳坊學宮圍牆進城鄉彭瀚捐建

泮宮坊縣市下坊廖廉捐建

官廳進城鄉嚴盛旭捐建

崇禮堂正廳合邑公建

崇禮堂東邊合邑公建

崇禮堂西邊從善鄉李掄升周勉齋同捐建

南昌府試院乾隆三十七年八屬公捐修葺奉化鄉蔡秉

寬捐一邑之費嘉慶十一年秉寬子承經孫顯功等同嚴

宗樸重修



21